





KATIE

Divine nga Paggiya

(Visayan Version)

R. B. THIEME, JR.



Kon ang matilimad-onong mga panganod sa waykasigurohan nagpangitngit sa atong dalan, ang madan-ag nga hayag sa Pulong sa Dios naglagbas sa kangitngit aron sa pagdan-ag sa atong agianan.

Kay ingon niana ang Dios,
Atong Dios hangtod sa
kahangturan;
Siya mogiya kanato hangtod
sa kamatayon.

Mga Salmo 48:14

DIVINE NGA PAGGIYA

R. B. THIEME, JR.



R. B. THIEME, JR., BIBLE MINISTRIES
HOUSTON, TEXAS

PALISIYA SA PINANSIYAL

Wala gayuy bayad para sa bisan unsa nga materyal gikan sa R. B. Thieme, Jr., Bible Ministries. Si bisan kinsa nga nagtinguha og pagtudlo sa Bibliya makaangkon sa among mga publikasyon, DVDs, ug MP3 CDs nga walay obligasyon. Ang Dios mao ang naghatag sa doktrina sa Bibliya. Tinguha namo sa pagpakita sa Iyang grasya.

R. B. Thieme, Jr., Bible Ministries maoy usa ka ministeryo sa grasya ug naglihok sa kinatibuk-an sa boluntaryong mga kontribyusyon. Walay listahan sa presyo para sa bisan unsa sa among materyales. Walay salapi nga gipangayo. Kun ang pagkamapasalamaton para sa Pulong sa Dios maoy naghatag og kagana sa usa ka magtotoo aron mohatag, siya adunay pribilihiyo sa paghatag og kontribyusyon para sa pagpakaylap sa doktrina sa Bibliya.

Orihinal nga naimprinta isip *DIVINE GUIDANCE*

niadtong tuig 1966, 1973 ug 1999 ni R. B. Thieme, Jr.

Ang unang edisyon napatik niadtong 1966. Ang ikatulong edisyon napatik niadtong 1999. Ang ikaduhang impresyon niadtong 2008.

Kini nga basahon napatik gikan sa mga pagtulon-an ug mga wala maimprinta nga mga sinulat ni R. B. Thieme, Jr.

Aron sa pag-order niini nga libro sa English, kontaka:

R. B. Thieme, Jr., Bible Ministries

P.O. Box 460829, Houston, Texas 77056-8829

www.rbthieme.org

Walay kabahin niining publikasyon nga ipasanay o ipadala sa bisan unsang porma o sa bisan unsang pamaagi, elektroniko o mekanikal, lakip na ang seroks, rekord, o sa bisan unsang sistema sa pagtipig ug pag-abli sa impormasyon, nga walay nakasulat nga pagtugot gikan sa tigmantala.

Ang Kasulatan gikuha gikan sa *DIVINE GUIDANCE* nga libro mismo og gihubad sa Binisaya.

Napatik sa Tagbilaran City, Bohol, Philippines, 2016.

Hinubad ngadto sa Binisaya nga pinulongan ni Raflyn H. Salutan.
Gitan-aw pagbalik nila ni Amado D. Carejo, David Vicoy ug Jerome L. Salutan.
Gipatik nga may pagtugot sa R.B. Thieme, Jr., Bible Ministries.

Mga Sulud

Pasiuna.....	vi
Introduksiyon	1
Mga Mando sa Divine nga Paggiya.....	3
Uyon ngadto sa Kabubut-on sa Dios.....	3
Hibaloi ang Kabubut-on sa Dios	6
Tubo diha sa Pulong sa Dios.....	8
Mga Kategoriya sa Kabubut-on sa Dios	
para sa Tagsatagsa Ka Magtotoo	9
Ang Panglantaw nga Kabubut-on sa Dios.....	9
Ang Operasyonal nga Kabubut-on sa Dios	10
Ang Hiyograpikal nga Kabubut-on sa Dios.....	10
Pito ka mga Direktiba nga Gipadayag nga	
Kinatibuk-ang Kabubut-on sa Dios	12
Kaluwasan	13
Sangtipikasyon	16
Espirituwalidad	19
Pagpasalamat.....	19
Pag-antos	22
Pagsalig.....	23
Maayong mga Buhat	24
Mga Klase sa Kabubut-on sa Dios	24
Direktiba nga Kabubut-on sa Dios.....	26
Matuguton nga Kabubut-on sa Dios	26
Matigbabawon nga Kabubut-on sa Dios.....	27

Ang Panglihok Sa Divine Nga Paggiya—	
Mga Buhat 11:5-16	29
Paggiya pinaagi sa Pag-ampo	30
Paggiya pinaagi sa Toong Lingin nga	
Kabahin sa Kalag	31
Paggiya pinaagi sa Pulong sa Dios	32
Paggiya pinaagi sa Pinaigo sa Dios	
nga mga Kalabutan	32
Paggiya pinaagi sa Pagpuno sa Balaang Espiritu	33
Paggiya pinaagi sa Pagtandi sa mga Hitabo	34
Paggiya pinaagi sa Paghinumdum sa Kasulatan	35
Konklusyon	35
 Pakapin sa Basahon: Ang Doktrina sa	
Divine nga Paggiya	40
 Kalugpongan	43
 Timan-anan sa Balaang Kasulatan	46

Pasiuna

Sa dili pa ikaw magsugod sa pagtoon sa Bibliya, kon ikaw usa ka magtotoo diha kang Ginoong Jesu-Kristo, siguroha nga imo nang gihinganlan ang imong mga sala sa pribadong pamaagi ngadto sa Dios nga Amahan.

Kon isugid ta ang atong [nahibaloan] mga sala, Siya matinumanon ug matarong sa pagpasaylo kanato sa atong [nahibaloan] mga sala ug sa paghinlo kanato gikan sa tanang [wamahibalo, o nahikalimtan na nga mga sala] dipagkamatarong.
(1 Juan 1:9)

Ikaw anaa na dayon sulud sa fellowship uban sa Dios, napuno diha sa Balaang Espiritu, ug andam na sa pagkat-on sa doktrina sa Bibliya nga gikan sa Pulong sa Dios.

“Ang Dios espiritu, ug kinsa kadtong nagasimba Kaniya kinahanglan magasimba diha sa [ang pagpuno sa] espiritu ug [biblikal] kamatuuran.”
(Juan 4:24)

Kon ikaw wala pa sa kinaugalingon nga mitoo diha ni Ginoong Jesu-Kristo isip imong Manluluwas, ang isyu dili ang pagsugid sa imong mga sala. Ang isyu mao ang pagtoo lamang diha ni Kristo lamang.

“Siya kinsa nagtoo sa Anak may kinabuhi nga waykatapusan; apan siya kinsa wala mosunud [ang sugo sa pagtoo] sa Anak dili makakita sa kinabuhi, hinoon ang kaligutgut sa Dios magapabilin diha kaniya.” (Juan 3:36)

ANG PULONG SA DIOS buhi ug labing gamhanan, mas hait pa kay sa bisan unsang duhay-sulab nga espada, naglagbas bisan pa ngadto sa nagpahimulag sa kalag ug sa espiritu, ug sa mga lutahan ug sa kinauyokan, ug maoy usa ka kritiko sa mga panghunahuna ug mga tinguha sa kasingkasing. (Mga Hebreohanon 4:12)

Ang tibuuk nga Kasulatan sa Dios-gipaginhawa, ug maganansyahon alang sa doktrina, alang sa pagbadlong, alang sa koreksiyon, alang sa pagpanudlo ngadto sa pagkamatarong; aron ang tawo sa Dios basin ra mahimong hamtong, sa hingpit gisangkapan ngadto sa tanang maayong mga buhat. (2 Timoteo 3:16-17)

Pagtoon aron pagpakita sa imong kaugalingon nga aprobado ngadto sa Dios, usa ka magbubuhat nga dili kinahanglan nga maulaw, sa husto nga nagbahinbahin sa pulong sa kamatuuran. (2 Timoteo 2:15)

INTRODUKSIYON

MATAG TAWO KINSA NAKADAWAT ni Jesu-Kristo isip Ginoo ug Manluluwas maoy personal nga representante sa Anak sa Dios. Siya maoy gitawag og usa ka embahador para ni Kristo, usa ka saksi, usa ka pari, usa ka magtotoo. Apan bisan unsa pa ang titulo, usa ka kamatuuran maoy klaro: Ingon nga si Jesu-Kristo nagrepresenta sa matag magtotoo diha sa toong kamut sa Amahan, busa ang matag magtotoo nagrepresenta sa Anak sa Dios diha sa kalibutan. Aron sa pagrepresenta Kaniya nga epektibo, ang matag usa kinsa natawo pag-usab kinahanglan magiyahan sa Dios. Niining katuyoan kita adunay saad:

“Ug and GINOO mapadayonon nga maggiya
kanimo,
Ug magtagbaw sa imong tinguha diha sa
nangapaig nga mga dapit,
Ug maghatag kusog sa imong kabukogan;
Ug ikaw mahisama sa usa ka natubigang hardin,
Ug sama sa usa ka tubud sa tubig kansang
katubigan wala nagkulang.”
(Isaiah 58:11)¹

1. Ang tanang mga Kasulatan niini nga libro gikutlo gikan sa New American Standard Bible (NASB), gawas kon sa laing paagi gisulat. Ang mga bersikulo nga gikutlo gikan sa King James Version (KJV) maoy gipahayag sa ingon. Ang kinorsetihan nga komentaryo nagpadayag sa pagpalapad sa NASB nga paghubad nga gitudlo sa Bibliyanhong mga panudlo (anaa sa MP3 CD gikan sa R. B. Thieme, Jr., Bible Ministries, Houston, Texas).

Divine nga paggiya mao ang doktrina sa pagdeterminar sa kabubut-on sa Dios para sa imong kinabuhi. Diha sa Bibliya ang Griyegong pulong para sa “kabubut-on” mao ang (*thelema*). Kon ang *thelema* gamiton uban ang panimaan sa “kabubut-on” sa Dios para sa magtotoo (Mga Taga-Roma 2:18; Mga Taga-Efeso 1:1), kini nagpasabut sa katuyoan o plano nga Iyang gidisenyo para sa matag magtotoo diha sa milabay nga eternidad.²

Usa sa labing dakong mga dilema nga ang bisan kinsang magtotoo ang mag-atubang mao, Unsaon man nako pagkahibalo sa kabubut-on sa Dios? Unsaon man aron magiyahan ko Niya? Unsa man ang kabubut-on sa Dios para nako diha sa pipila ka krisis o kalisud o problema sa akong kinabuhi?

Sa tanang bahin sa Kasulatan, ang mga magtotoo sa kanunay gitambagan sa paghibalo sa kabubut-on sa Dios.

Nan unya ayaw pagpaka buang, apan sabta unsa
ang kabubut-on sa Ginoo. (Mga Taga-Efeso 5:17)

Ang usa ka Kristohanon kinsa wala nakahibalo sa kabubut-on sa Dios maoy gipadayag nga usa ka buang. Usa sa labing makadaot nga mga kapakyasan diha sa Kristohanong kinabuhi mao ang kakulang sa kinaadman o pagsabut.

Ang divine nga paggiya mao ang komunikasyon sa divine nga kabubut-on pinaagi sa divine nga pinadayag—ang Pulong sa Dios. Tungud niini, kini klaro nga ang divine nga paggiya kinahanglan ibase diha sa Bibliya mismo, kay ang Pulong sa Dios mao ang panghunahuna ni Kristo.

Kay KINSA ANG NAKAHIBALO SA HUNAHUNA
[panghunahuna] SA GINOO, NGA SIYA MAGATUDLO
KANIYA? Apan kita adunay hunahuna

2. R. B. Thieme, Jr., *The Plan of God* (Houston: R. B. Thieme, Jr., Bible Ministries, 2003). Sa umaabot, ang mga panimaan sa akong mga libro mokutlo lamang sa tagsulat, titulo, petsa sa publikasyon (diha sa unang panimaan), ug panid (mga panid).

[panghunahuna] ni Kristo. (1 Mga Taga-Corinto 2:16)

Karon, ang paagi lamang nga ikaw makahibalo unsa ang kabubut-on sa Dios para sa imong kinabuhi mao ang pagpamati ug pagsabut sa doktrina sa Bibliya.

Diha sa Mga Taga-Roma 8:14 kita gipaila sa Balaang Espiritu isip ang labing hinungdanon nga kapasikaran diha sa divine nga paggiya.

Para sa tanan kinsa gigamit sa Espiritu sa Dios, kini mao ang mga anak sa Dios. (Mga Taga-Roma 8:14)

Walay divine nga paggiya gawas sa paghibalo sa Pulong sa Dios ug paggahum pinaagi sa ministeryo sa Dios nga Balaang Espiritu. Nagkuyog, kining mga sukaranon sa espirituhanong kinabuhi nagporma sa sukaranan para sa tulo ka mga mando sa divine nga paggiya.

MGA MANDO SA DIVINE NGA PAGGIYA

Uyon ngadto sa Kabubut-on sa Dios

Ako nagsugyot kaninyo tungud niini, kaigsoonan, pinaagi sa mga kalooy sa Dios, pagpresentar [*paristemi*] sa inyong mga lawas nga usa ka buhi ug balaan nga sakripisyo, madawat sa Dios, *kini mao* ang inyong espirituhanong serbisyo sa pagsimba. (Mga Taga-Roma 12:1)

“Presenter” dinhi niini nga bersikulo mao ang parihong Griyeong pulong, *paristemi*, makit-an usab diha as Mga Taga-Roma 6:13, ug nagpasabut “pagbutang sa imong kaugalingon

ubus sa mga sugo” sa Dios, o pag-uyon sa kabubut-on sa Dios. Kon kita makasabut niini, kita nakahibalo nga kini dili usa ka ‘masangputon’ nga desisyon sa pag-uyon sa Dios nga naggarantiya og pag-uyon hangtod sa kahangturan. Pag-uyon maoy usa ka nagpadayon nga sumpaysumpay nga mga desisyon sa tanang bahin sa lakaw sa atong Kristohanong kinabuhi.

Kita dili magbuut unsa ang kabubut-on sa Dios para kanato; hinoon, Siya ang nagbuut sa Iyang kabubut-on para kanato ug nagdala kanato sa matag lakang kon kita anaa sa fellowship (Juan 15:16). Kita kinahanglan anaa sa fellowship uban sa Dios para magiyahan sa Dios. Ang paagi lamang nga mahimong anaa sa fellowship mao ang mapasaylo sa atong mga sala ug maputligikan sa tanang kadaotan pinaagi sa rebound, ang sistema sa grasya diin ang magtotoo diha sa karnalidad nagbawi sa fellowship ug espirituwalidad pinaagi sa paghingalan sa personal nga mga sala sa pribadong pamaagi ngadto sa Dios nga Amahan.³

Kon isugid ta [naghingalan, nag-ila] ang atong [nahibaloan] mga sala, Siya matinumanon ug matarong [maangayon] sa pagpasaylo kanato sa atong [nahibaloan] mga sala ug sa paghinlo [pagputli] kanato gikan sa tanang dipagkamatarong [wamahibalo, o nahikalimtan na nga mga sala]. (1 Juan 1:9)

Kon adunay bisan unsang sala diha sa imong kinabuhi isip usa ka Kristohanon, ikaw gitawag og ‘gawas sa fellowship.’ Ikaw anaa sa mao gihapong kahimtanga sa karnalidad (1 Mga Taga-Corinto 3:1-4, KJV), ug samtang ikaw karnal, kini imposible para kanimo nga magiyahan pinaagi sa Balaang Espiritu. Busa, ang

3. Thieme, *Rebound and Keep Moving!* (1993).

usa sa unang mga ang-ang diha sa divine nga paggiya mao ang paggamit sa 1 Juan 1:9 sa rebound. Kon ikaw mohimo sa kabubut-on sa Dios, ikaw kinahanglan nga magamhan pinaagi sa Espiritu sa Dios, kay kini imposible sa paghimo sa kabubut-on sa Dios gawas sa pagpuno sa Balaang Espiritu.

Pagsugut sa kabubut-on sa Dios nagsugod uban sa pagpuno sa Balaang Espiritu—“Pa [sa kanunay] puno uban sa Espiritu” (Mga Taga-Efeso 5:18b). Kon ikaw moangkon sa imong mga sala ngadto sa Dios, Siya nagpasaylo sa imong nahibaloang mga sala ug nagputli kanimo diha dayon ug sa bug-os gikan sa imong wamahibalo nga mga sala. Ikaw nahibalik ngadto sa fellowship, dihadiha imong kalag nagamhan pagbalik pinaagi sa Dios nga Balaang Espiritu, ug ikaw anaa sa mao gihapong kahimtang sa espirituwalidad. Ang makapaulang lamang sa paggahum sa Espiritu mao ang sala; busa, ang paghingalan sa imong mga sala mao ang naunang gikinahanglan lamang para sa pagpuno sa Espiritu. Ang *mando* sa pagsugut sa kabubut-on sa Dios gipahayag diha sa Mga Taga-Roma 6:13.

Ug ayaw pagpadayon sa pagpresenta [*paristemi*] sa mga myembro sa inyong lawas ngadto sa sala *isip* mga instrumento sa dipagkamatarong; apan ipresenta [*paristemi*] ang inyong mga kaugalingon ngadto sa Dios isip kadtong buhi gikan sa patay, ug ang inyong mga myembro *isip* mga instrumento sa pagkamatarong sa Dios. (Mga Taga-Roma 6:13)

Ang *panglihok* sa pagsugut sa kabubut-on sa Dios mao ang pagsugid (1 Juan 1:9). Kini sa yano mao ang duha ka pikas og pikas sa parihong sensilyo.

Ang pagsugut sa kabubut-on sa Dios wala gipahayag diha sa usa ka partikular nga takna o diha sa usa ka partikular nga hitabo, apan mao, hinoon, ang pagbaton sa kabubut-on sa Dios isip makanunayong pagdumala sa imong kinabuhi. Pagsugut mao ang pagpili sa kabubut-on sa Dios nga maoy katapusan

bisan wala pa ikaw makahibalo unsa Iyang kabubut-on. Kini dili usa ka pangutana sa kinabubut-ong paghimo sa *usa ka butang*. Kini usa ka pangutana sa kinabubut-ong paghimo sa *bisan unsang butang*. Kini imposible sa pagsugut sa kabubut-on sa Dios nga walay pagpuno sa Balaang Espiritu ug kini imposible sa pagkahibalo sa kabubut-on sa Dios hangtod nga ikaw makahibalo sa Pulong sa Dios.

Hibaloi ang Kabubut-on sa Dios

Ug ayaw pahiuon niining kalibutana, apan paga-usba pinaagi sa pagbag-o sa imong hunahuna, aron nga imong mamatud-an og unsa ang kabubut-on sa Dios, kana nga maayo [divine nga kamaayo]⁴ ug madawat [makapahimuut kaayo] ug perpekto [kompleto]. (Mga Taga-Roma 12:2)

Uban niining bersikuloha, ang matag sugo gikan sa negatibong panglantaw, “Ayaw,” ug gikan sa positibong panglantaw, “Ikaw wala ba makahibalo,” maoy usa ka pagdasig sa paghibalo sa Pulong sa Dios, ang kabubut-on sa Dios, ug ang plano sa Dios ug mao, busa, ang gikinahanglan sa pagsunud sa mga mando sa paggiya. Tungud kay ang Bibliya mao ang gigikanan sa nahibaloan nga kabubut-on sa Dios, bisan kon pinaagi sa direktang pahayag o pinaagi sa pagkuha gikan sa doktrina, kahibalo sa Iyang kabubut-on nga gibase sa usa ka pagsabut sa Pulong sa Dios. Kinadak-ang panabut sa doktrina, mga paagi, ug mga saad nagresulta diha sa abilidad nga magiyahan sa Dios.

Sa paghiluna sa mga pangutana ug mga problema nga wala mahinganli diha sa Bibliya, ang magtotoo kinahanglan nga moadto gikan sa nahibaloan ngadto sa wamahibalo. Kita adunay

4. Tan-awa panid 19, sinulat ubus sa panid 17.

usa ka perperktong ilustrasyon diha sa alhebra: X mahimong wamahibalo sa hinungdan, apan ang X dili madeterminar nga way nahibaloang mga hinungdan palibot niini. Samtang ang X maoy wamahibalo, sa diha diha nga kita nagbutang og nahibaloang mga hinungdan palibot niini, kita makadeterminar sa pasabut sa X . Pananglitan, kon $2X = 10$, unsa man ang X ? Tubag: $X = 5$. Ang rason nga kita nakahibalo nga ang X mahimong lima mao tungud kay kita adunay nahibaloang mga hinungdan diha sa hulagway. Ang nahibaloang mga hinungdan nagdeterminar sa pasabut sa X .

Ang nahibaloang mga hinungdan nga may kalabutan sa divine nga paggiya ang makita tanan diha sa Kasulatan. Uban sa nahibaloang mga hinungdan diha sa Bibliya ikaw makasabut sa hunahuna ug kabubut-on sa Dios diha sa matag detalye sa imong kinabuhi. Pananglitan, usa ka nahibaloang hinungdan makita diha sa 2 Mga Taga-Corinto 6:14, diin ikaw gisultian: “Ayaw paghiusa nga nag-uban sa mga dimagtotoo.” Kini nagdala sa butang sa paggiya diha sa kaminyoon. Kinsa man ang imong minyoan? Kanus-a man ka magminyo? Unsa man nga klase sa tawo imong minyoan? Ug uban pang daghang laing mga pangutana ang nalambigit.⁵ Apan usa ka butang maoy tinong mahibaloan gikan sa 2 Mga Taga-Corinto 6:14—ikaw dili gayud magminyo og usa ka dimagtotoo. Kini direktang gipahayag nga batok sa kabubut-on sa Dios. Kinsa, unya, ang imong pagaminyoan? Kini nga tubag kinahanglan madeterminar pinaagi sa usa ka kombinasyon sa nahibaloang mga hinungdan sa Bibliya, nga nag-uban sa pagpuno sa Espiritu.

Adunay daghang mga butang nga ang Bibliya direktang nagmando nga kabubut-on sa Dios o, kon balihon, dili mao ang kabubut-on sa Dios. Ang ubang mga butang nga wala direktang gipahayag kinahanglan nga ideterminar pinaagi sa usa ka

5. Usa ka pagtoon sa doktrina sa kaminyoon mahimong maorder gikan sa R. B. Thieme, Jr., Bible Ministries sa MP3 CD nga gisulat diha sa luyo sa sulud nga hapin sa libro.

rasyonal nga konklusyon gikan sa doktrina nga nagpuyo diha sa atong kalag. Sa niining paagi kita mahimong makadeterminar sa bisan unsang punto ug ubus sa matag kahimtang sa eksakto unsa ang kabubut-on sa Dios. Apan hinumdumi ang prinsipyo: *Ikaw dili makahibalo sa kabubut-on sa Dios gawas sa paghibalo sa Pulong sa Dios.* Sa ingon usab, *kini imposible sa paghimo sa kabubut-on sa Dios nga walay gahum sa paghimo niini.* Kini nga gahum gihatag pinaagi sa pagpuno nga ministeryo sa Dios nga Balaang Espiritu. Kini mao ang usa sa mga rason ang mga magtotoo gitambagan sa pagrebound, pagtoon sa Pulong sa Dios adlaw-adlaw, ug pagpadayag sa ilang mga kaugalingon sa pagtudlo sa Bibliya kutub sa mahimo.

Tabo diha sa Pulong sa Dios

Apan pagtubo diha sa grasya ug kahibalo sa atong Ginoo ug Manluluwas nga si Kristo Jesus. (2 Pedro 3:18a)

“Grasya” mao ang suma total sa plano sa Dios. Kon ikaw anaa diha sa kabubut-on sa Dios, ikaw anaa diha sa plano sa Dios. Kon ikaw anaa diha sa plano sa Dios, ikaw kinahanglan nga mohimo sa kabubut-on sa Dios. Usa ka puno nga kahibalo sa ug pagtuman uban sa kabubut-on sa Dios ang dili makab-ot gawas sa kalig-on sa espirituhanong pagtubo ug kahamtong. Ang divine nga paggiya nag-apil og usa ka ang-ang sa tagsa ka higayon. Ang kada ang-ang kinahanglan sa pagtubo ug pag-abante diha sa espirituhanong kinabuhi.

Sa tinuud, ang tulo ka mga mando sa paggiya dili mabulag, kay ang usa nagdepende diha sa uban. Kita kinahanglan nga mosugut sa kabubut-on sa Dios pinaagi sa pagpuno sa Espiritu; kita kinahanglan makahibalo sa kabubut-on sa Dios pinaagi sa Pulong; ug kita kinahanglan nga adunay espirituhanong pagkahamtong aron sa paghimo sa kabubut-on sa Dios sa

labing dako. Ang kapakyasan sa pagtuman niining tulo ka mga mando pinaagi sa karnalidad, kaburong, ug kulang sa espirituhanong pagtubo nagpugong kanato sa paghimo sa kabubut-on sa Dios para sa atong kinabuhi.

MGA KATEGORIYA SA KABUBUT-ON SA DIOS PARA SA TAGSATAGSA KA MAGTOTOO

Ang pangutana sa kabubut-on sa Dios para sa tagsatagsa ka magtotoo nahisakup diha sa tulo ka mga kategoriya: Unsa man ang gusto Niya nga akong hunahunaon? Unsa man ang gusto Niya nga akong himoon? Asa man Niya ako gusto moadto?

Ang Panglantaw nga Kabubut-on sa Dios

Unsa man ang gusto sa Dios nga akong hunahunaon? Sa walay duhaduha, Siya gusto nako nga maghunahuna sa divine nga panglantaw. Ang doktrina sa Bibliya diha sa toong lingin nga kabahin *mao* ang divine nga panglantaw.⁶ Busa, kini nahiuyon kuyog sa ikaduhang mando sa divine nga paggiya—hibalo ang kabubut-on sa Dios (Mga Proberbio 23:7; Isaiah 55:7-9; 2 Mga Taga-Corinto 10:5).

Atong kusog naggikan sa Pulong sa Dios. Diha sa atong mga kaugalingon, kita mahuyang. Ang doktrina sa Bibliya mao ang lintunganay sa kalag nga nagsuporta sa atong espirituhanong kinabuhi. Aron sa pagsabut sa panglantaw nga kabubut-on sa Dios kita kinahanglan magtigum og doktrina diha sa toong

6. Ang kasingkasing mao ang dominante o toong lingin nga kabahin sa mentalidad sa kalag nga gihinganlan pinaagi sa Griyegong pulong (*kardia*) diin ang doktrina sa Bibliya maoy gipatuyok pinaagi sa nagpaliyok sa panghunahuna sa kalag—pakisayran sa pangisip, sentro sa panumduman, bokabularyo, kategorikal nga tipiganan, ang konsensya, pagbuylo, ug mga bahin sa kinaadman—sa pagsuporta sa espirituhanong kinabuhi sa magtotoo. Tan-awa Thieme, *Mental Attitude Dynamics* (2000), 8-9.

lingin nga kabahin aron nga kini maggiya sa tanan natong mga desisyon.

Ang Operasyonal nga Kabubut-on sa Dios

Unsa man ang gusto sa Dios nga akong himoon? Ang operasyonal nga kabubut-on sa Dios nag-apil sa tanang butang nga ang usa ka Kristohanon kinahanglan ug dili kinahanglan nga buhaton sa paghimaya sa Dios. Ang listahan sa pwede ug dili pwede naglakip sa daghang kahibulungang mga butang nga makita diha sa Pulong sa Dios: rebound, ang pagpuno sa Balaang Espiritu, pagkat-on sa doktrina, ang pagtoo-pahulay nga paagi, pagkinabuhi uban ni Kristo, pag-ampo, pagsaksi, ug daghan pang lain.⁷ Ang mga kinahanglanon para sa paghimo sa kabubut-on sa Dios mao ang una ug ikaduhang mga mando sa divine nga paggiya—uyon sa kabubut-on sa Dios ug hibalo ang kabubut-on sa Dios.

Ang Hiyograpikal nga Kabubut-on sa Dios

Asa man sa Dios ako gusto moadto? Kini nga kategoriya adunay kalabutan sa lokasyon. Ang hiyograpikal nga kabubut-on sa Dios, bisan pa, wala gayud giila gawas sa operasyonal nga kabubut-on sa Dios. Kon ang mga magtotoo *maghimo* sa unsa ang gusto sa Dios nga ilang pagahimoon, nan sila sa kadugayan moabut sa *lugar* diin maoy gusto sa Dios para kanila. Kitang tanang nakasabut nga ang paglabang sa dagat o pag-adto sa usa ka langyaw nga nasud dili magahimo sa usa nga usa ka misyonaryo. Ang operasyonal nga kabubut-on sa

7. Thieme, *Christian Integrity* (2002), 138-40; *The Faith-Rest Life* (2004); *Prayer* (2003); *Witnessing* (1992).

Dios kinahanglan nga unang mahitabo. Ang mga Kristohanon nangahimong mga misyonaryo pinaagi sa pagpangsaksi una diha sa ilang mga kaugalingong dapit, diha sa ilang mga kaugalingong mga kahintang. Ang usa ka magtotoo kinsa dili magasaksi sa pinuy-anan dili gayud makasaksi diha sa laing nasud diin ang mga kondisyon mas labaw pang lisud. Ang ikatulong mando sa divine nga paggiya—tubo sa pagkahamtong—maoy matin-aw og takdo uban sa hiyograpikal nga kabubut-on sa Dios.

Usa ka maayo kaayo nga ilustrasyon sa hiyograpikal nga kabubut-on sa Dios anaa diha sa Libro ni Jonah. Ang kabubut-on sa Dios para ni Jonah mao ang pag-adto sa Nineveh, diin didto siya magpadayag sa Ebanghelyo. Apan imbis nga moadto sa Nineveh, siya misakay og usa ka barko padulong diha sa pikas nga direksiyon. Siya sa katapusan gilabay ngadto sa tubig, gitulon sa usa ka dakong isda, ug giluwa ngadto sa ugang yuta, unya siya walay gusto nga miadto sa Nineveh. Ang problema ni Jonah mao ang iyang pagdumut sa mga Assyrian, nga maoy nakahimo og usa ka pagdumili sa pagbuhat sa nahibaloang hiyograpikal nga kabubut-on sa Dios.⁸

Laing dilema sa hiyograpikal nga kabubut-on sa Dios maoy giatubang ni Jacob sa dihang siya padulong didto sa Ehipto. Si Jacob mihunahuna nga kini sayup para kaniya sa pagbiya sa Yuta, busa ang Dios miingon, sa tinuud, “Ayaw kahadlok, Jabob. Kini maoy akong kabubut-on para kanimo sa pag-adto sa Ehipto niining panahona. Apan ang imong pamilya mobalik pag-usab” (Genesis 46:1-4).

Si Pablo, diha sa Mga Buhat 16:7, mihandum sa pag-adto sa Bithynia; apan ang Dios mipugong kaniya tungud kay Siya gusto ni Pablo adto sa Philippi ug si Pedro adto sa Bithynia. Si David Livingston, ang bantugan nga misyonaryong manunuhid sa ikanapulog siyam ka siglo, miplano sa pag-adto sa China

8. Thieme, *God the Holy Spirit vs. The Sin Nature* (2013).

apan napugngan tungud sa gira tali sa England ug China. Tungud kay kini maoy kabubut-on sa Dios para kang David Livingston nga adto didto sa Africa, og dili sa China, ang gira didto sa China nahimong imposible para kaniya sa pag-adto niadtong nasura. Ang hiyograpikal nga kabubut-on sa Dios para kaniya natuman pinaagi niini nga pinaigo sa Dios nga kalabutan. Adoniram Judson mipadulong para sa India, apan ang mga opisyal wala mitugot kaniya sa pagtugpa sa Bombay. Tan-awa, ang Dios gusto niya didto sa Burma. Unsay nagpakita nga usa ka problema sa imigrasyon sa tinuud maoy usa ka pangutana sa hiyograpikal nga kabubut-on sa Dios.

PITO KA MGA DIREKTIBA NGA GIPADAYAG NGA KINATIBUK-ANG KABUBUT-ON SA DIOS

Usa ka labing hinungdanon nga prinsipyo sa divine nga paggiya gipahayag diha sa 1 Juan 3:23.

Ug kini mao ang Iyang kasugoan [Iyang kabubut-on], nga kita motoo diha sa ngalan sa Iyang Anak nga si Jesu-Kristo, ug paghigugma sa usag usa, sama nga Siya mimando kanato. (1 Juan 3:23)

Kini nga bersikulo nagpagamay sa kabubut-on sa Dios ngadto sa tumang kasayon. Ang bersikulo gitunga ngadto sa duha ka mga bahin. Una, ang kabubut-on sa Dios para sa dimagtotoo mao ang pagtoo diha ni Ginoong Jesu-Kristo. Ikaduha, Iyang kabubut-on para sa magtotoo mao ang pag-angkon og gugmang-ligdong, ang larawan sa espirituhanong kinabuhi.⁹

9. Thieme, *Christian Integrity*, 121-49.

Kaluwasan

Kini mao ang kabubut-on sa Dios nga ang matag myembro sa katawhan matawo pag-usab. Kita nakahibalo gikan sa 2 Pedro 3:9b nga ang Dios “wala nagtinguha para sa bisan kinsa nga malaglag apan para sa tanan sa pag-abut sa paghinulsul [usa ka pag-usab sa panghunahuna ngadto kang Ginoong Jesu-Kristo].” Ug tungud kay ang Dios wala nagtinguha para sa bisan kinsa nga malaglag, Siya mihimo og probisyon para sa kinabuhing waykatapusan pinaagi ni Jesu-Kristo. Adunay usa lamang ka isyu para sa usa ka dimagtotoo. Unsa may hunahuna nimo bahin ni Kristo? Matag tawo nagsugod sa pagtuman sa kabubut-on sa Dios sa dihang siya nagpahayag og pagtoo lamang ni Kristo lamang.

Ug ang kalibutan nangahanaw, ug *usab* ang iyang mga kaibog; apan ang usa kinsa naghimo sa kabubut-on sa Dios nagpabilin sa kahangturan. (1 Juan 2:17)

Ang paghimo sa kabubut-on sa Dios niini nga hitabo mao ang *pagtoo* diha ni Ginoong Jesu-Kristo.

“Kay kini mao ang kabubut-on sa Akong Amahan, nga ang matag usa kinsa nagtan-aw sa Anak ug nagtoo diha Kaniya, mahimong adunay kinabuhing waykatapusan; ug Ako Mismo moisa kaniya diha sa katapusang adlaw.” (Juan 6:40)

“Bisan kinsa nga nagtoo diha Kaniya dili malaglag, apan adunay kinabuhing waykatapusan.” (Juan 3:16b)

Busa una sa tanan, kini mao ang kabubut-on sa Dios nga

ang matag myembro sa katawhan maluwas. Ang Dios Mismo mihimo niini nga posible pinaagi sa pagpadala sa Iyang “bugtong gipanganak [talagsaong gipakatawo] nga Anak” (Juan 3:16b) sa pagtuman sa buhat sa kaluwasan.

Apan ang Dios nagpadayag sa Iyang gugma alang kanato, nga bisan sa mga makasasala pa kita, si Kristo nagpakamatay [isip usa ka puli] para kanato. (Mga Taga-Roma 5:8)

Sa dihang ang Ginoong Jesu-Kristo, ang Dios-tawo ug talagsaong Persona sa uniberso, nagbitay didto sa krus taliwala sa langit ug kalibutan, Siya midala sa atong mga sala ug mipuli sa atong lugar. Kita anaa ubus sa paghukum sa kamatayon (Juan 3:18), apan si Jesu-Kristo gihukman para kanato.

Siya [ang Dios nga Amahan] mihimo Kaniya [Kristo] kinsa nasayod nga walay sala *aron mahimong* sala para sa atong katungud [isip atong puli], aron kita basin ra mamahimong pagkamatarong sa Dios diha Kaniya. (2 Mga Taga-Corinto 5:21)

“Sa pagkatinuud, sa pagkatinuud, Ako nagsulti kanimo, siya nga nagtoo adunay kinabuhing waykatapusan.” (Juan 6:47)

Kini imposible sa paghimo sa kabubut-on sa Dios hangtod nga ang usa nagsugod didto sa krus, si Jesus miingon ngadto sa usa ka hilabihan ka relihiyoso nga tawo, “Ikaw kinahanglan matawo pag-usab” (Juan 3:7b).¹⁰ Sa uban Siya miingon:

“Ako mao ang dalan, ug ang kamatuuran, ug ang

10. Thieme, *The Barrier* (2003); *The Origin of Human Life* (1994), 31-33.

kinabuhi; walay si bisan kinsa nga makaadto sa Amahan, apan pinaagi Kanako.” (Juan 14:6b)

“Ako mao ang pagkabanhaw ug ang kinabuhi; siya kinsa nagtoo diha Kanako mabuhi bisan kon siya mamatay.” (Juan 11:25b)

“Ang usa kinsa nagduul Kanako Ako sa tinud-anay dili moabog.” (Juan 6:37b)

“Duul ngari Kanako, ang tanan kinsa naluya ug nabug-atan, ug Ako maghatag kaninyo sa pahulay.” (Mateo 11:28)

“Ug walay kaluwasan pinaagi kang bisan kinsa pa nga lain; kay walay bisan kinsa pang lain nga ngalan ubus sa langit nga gikahatag ngadto sa mga tawo, nga pinaagi niini kita maluwas.” (Mga Buhat 4:12)

Sa makadaghan ang Dios nagpahayag diha sa Iyang Pulong nga kini mao ang Iyang kabubut-on para sa tanang mga myembro sa katawhan sa pagtoo diha sa Iyang Anak. Si Kristo midala sa mga sala sa matag tawo (1 Juan 2:2). Siya mibayad sa silot para sa sala sa tuman, nagluwas sa katawhan gikan sa merkado sa ulipon sa sala (Mga Taga-Galacia 3:13).¹¹ Sa dihang Siya misinggit didto sa krus, “Kini natapos na” (Juan 19:30b), ang kaluwasan natuman.¹² Pagpanag-iya pinaagi sa pagtoo mao lamang ang kondisyon para sa paghimo sa kabubut-on sa Dios diha sa kaluwasan.

11. Thieme, *Slave Market of Sin* (1994).

12. Thieme, *King of Kings and Lord of Lords* (2004).

Kay tungud sa grasya ikaw naluwas pinaagi sa pagtoo; ug kana dili sa inyong mga kaugalingon, *kini mao* ang gasa sa Dios; dili isip usa ka resulta sa mga binuhatan, aron walay bisan usa nga makapasigarbo. (Mga Taga-Efeso 2:8-9)

“Siya kinsa nagtoo sa Anak may kinabuhi nga waykatapusan; apan siya kinsa wala mosunud sa Anak dili makakita sa kinabuhi, hinoon ang kaligutgut sa Dios magapabilin diha kaniya.” (Juan 3:36)

Human ang dimagtotoo nagsulud diha sa kabubut-on sa Dios pinaagi sa kaluwasan adunay laing kinatibuk-ang mga kamandoan sa kabubut-on sa Dios nga nagsaysay sa espirituhanong kinabuhi sa matag magtotoo.

Sangtipikasyon

Kini mao ang kabubut-on sa Dios nga ang tanang mga magtotoo masanto.

Kay kini mao ang kabubut-on sa Dios, inyong sangtipikasyon. (1 Mga Taga-Tesalonica 4:3a)

“Sangtipikasyon” dinhi nagpasabut og gigahin ngadto sa Dios pinaagi sa pagkaanaa diha sa fellowship uban sa Ginoo, aron nga ikaw mahimong ubus sa Iyang direksiyon, andam sa pag-alagad Kaniya sa bisan unsang paagi, ubus sa bisan unsang mga kahimtang. Adunay tulo ka lainlaing mga klase sa sangtipikasyon diha sa Bibliya.

1. *Posisyonal nga sangtipikasyon* nagpaila nga ang matag magtotoo sa takna sa kaluwasan nag-angkon sa absoluto

nga mao gihapong kahimtanga sa paghimong nilain diha ni Kristo Jesus (1 Mga Taga-Corinto 1:2; Mga Taga-Colosas 2:10; Mga Hebreohanon 10:10). Sa takna nga ang usa ka tawo nagtoo diha ni Kristo isip Manluluwas, siya misulud ngadto sa paghiusa uban ni Kristo; siya nag-ambit sa tanan nga anaa si Kristo ug mao; siya maoy usa ka umalambit sa divine nga kinaiya.¹³

2. *Eksperensiyal nga sangtipikasyon* mao ang kalihukan sa espirituhanong kinabuhi human sa kaluwasan nga nag-apil sa espirituhanong pagtubo sa magtotoo pinaagi sa pagpuno sa Balaang Espiritu ug ang *grasyahanong aparato sa panabut* (Mga Taga-Efeso 5:26).¹⁴ Ang yawe sa paghimong santo diha sa bahin dos¹⁵ mao ang hustong paggamit sa 1 Juan 1:9 ug pagkat-on sa doktrina sa Bibliya. Kini nagdala og espirituhanong pagkahamtong.
3. *Kinatas-ang sangtipikasyon* mao ang absoluto nga mao gihapong kahimtanga sa matag magtotoo diha sa iyang lawas sa pagkabanhaw diha sa waykatapusang kahimtang (1 Mga Taga-Corinto 15:35-54; Mga Taga-Filipos 3:21; 1 Juan 3:2). Kita ilain ngadto sa Dios para sa tibuuk eternidad. Kita gipasaligan sa pagpuyo diha sa presensiya sa Dios sa kahangturan.

Tungud kay ang sangtipikasyon gigamit diha sa tulo ka lainlaing mga paagi, kita sa kanunay kinahanglan mangutana sa pangutana, Giunsa man paggamit sa sangtipikasyon diha sa

13. Thieme, *The Divine Outline of History: Dispensations and the Church* (1999), 92-93; *The Integrity of God* (2005), 118-26, 138.

14. Thieme, *Reversionism* (2000), 3-7; *Daniel Chapters One through Six* (1996), Pakapin sa Basahon C.

15. Ang espirituhanong kinabuhi sa magtotoo nag-apil og tulo ka mga bahin: bahin uno, ang takna sa kaluwasan; bahin dos, ang kinabuhi sa magtotoo, nga nagsugod dihadhiha dayon pagkahuman sa kaluwasan ug nagpadayon hangtod sa bisan hain sa lawasnonng kamatayon o ang Pagsakgaw; ug bahin tres, eternidad sa langit.

kinatibuk-ang kahulugan sa 1 Mga Taga-Tesalonica 4:3? Ang tubag maoy hilabihan ka yano. Tungud kay ang kabubut-on sa Dios mao ang isyu sa bahin dos, kini mao ang kabubut-on sa Dios para kanato samtang kita ania pa sa kalibutan nga anaa sa fellowship uban sa Ginoo ug may kasinatian nga “nilain” ngadto Kaniya.

Kay kini mao ang kabubut-on sa Dios, inyong sangtipikasyon; *nga mao*, nga ikaw modumili gikan sa seksuwal nga kaulagan; nga matag usa kaninyo kahibalo unsaon pagbaton sa iyang kaugalingong sakayan diha sa sangtipikasyon ug dungog. (1 Mga Taga-Tesalonica 4:3-4)

“Nga ikaw modumili” nagpaila sa usa ka put-ong nga katuyoan nga nagsugod sa pagpalapad sa pipila sa mga prinsipyo nga may koneksiyon uban sa sangtipikasyon. Ang “sakayan” dinhi maoy sosama ngadto sa lawas sa usa ka magtotoo (Mga Buhat 9:15; 2 Mga Taga-Corinto 4:7; 2 Timoteo 2:20-22) nga permanenteng gipuy-an sa Balaang Espiritu. Ang Balaang Espiritu naghimo sa lawas sa magtotoo nga usa ka templo para sa pagpuyo ni Jesu-Kristo. Tungud kay ang lawas sa magtotoo maoy templo sa Dios, siya kinahanglan maghimaya sa Dios, ug kini mahimo lamang diha sa gahum sa pagpuno sa Espiritu.¹⁶

O ikaw wala ba nakahibalo nga ang imong lawas maoy usa ka templo sa Balaang Espiritu kinsa anaa sulud kanimo, kinsa ikaw aduna gikan sa Dios, ug nga ikaw dili sa imong kaugalingon? Kay ikaw napalit uban sa usa ka presyo: busa himayaa ang Dios diha sa imong lawas. (1 Mga Taga-Corinto 6:19-20)

16. Thieme, *The Divine Outline of History*, 128-31.

Espirituwalidad

Kini mao ang kabubut-on sa Dios nga kita pagagamhan pinaagi sa o pagapun-an uban sa Espiritu.

Ug ayaw paghuboghubog diha sa bino, tungud kay kana usa ka pagpatuyang sa kahilayan, apan papuno diha sa Espiritu. (Mga Taga-Efeso 5:18)

Ang pagpuno sa Espiritu wala maglakip sa tawhanong kamaayo ug naghatag og basehanan para sa paghimo sa divine nga kamaayo.¹⁷ Bisan unsa nga Kristohanong kalihukan ang atong malambigit—pag-ampo, paghatag, pagtungha sa simbahan, pagsaksi—kon kita gawas sa fellowship, kini maoy tawhanong kamaayo. Kini maoy dili kabubut-on sa Dios sa paglihok diha sa karnalidad o tawhanong kamaayo, kay ang duha maoy mangil-ad Kaniya (Mga Proberbio 6:16-19; Isaiah 64:6; Mga Taga-Roma 8:8).

Pagpasalamat

Kini mao ang kabubut-on sa Dios nga kita maghatag og pasalamat diha sa tanang butang. Pagpasalamat mao ang usa ka ekspresyon sa pagsimba ngadto sa Dios nga nagtubo ang kapasidad uban sa pag-abante sa magtotoo ngadto sa espirituhanong pagkahamtong. Ang pagkamapasalamaton gipahayag pinaagi sa usa ka takna-sa-takna nga panghunahuna

17. *Tawhanong kamaayo* mao ang mapuangurong produksiyon o mga buhat sa magtotoo kinsa ubus sa paggahum sa kinaiyang makasasala. Kini nga produksiyon dili mailhan gikan sa maayong mga buhat nga gihimo sa usa ka dimagtotoo, walay espirituhanon o waykatapusang bili, ug dili magantihan didto sa langit. *Divine nga kamaayo* mao ang Kristohanong serbisyo o mga buhat nga gihimo sa magtotoo ubus sa pagpuno sa Balaang Espiritu ug mao, busa, ang madawat sa perpektong mga sukaranan sa Dios, adunay tinuud ug waykatapusang bili, ug makadawat og pag-ila ug ganti didto sa langit.

nga naggumikan sa doktrina diha sa toong lingin nga kabahin sa kalag (Mga Salmo 138:1-2), ug pinaagi sa pag-ampo (Mga Taga-Efeso 5:20; Mga Taga-Filipos 4:6; Mga Taga-Colosas 4:2).

Diha sa tanang butang hatagi og pasalamat; kay kini mao ang kabubut-on sa Dios para kaninyo diha ni Kristo Jesus. (1 Mga Taga-Tesalonica 5:18)

Ikaw magmapasalamaton, bisan unsa pa ang mahitabo diha sa imong kinabuhi. Kini mahimong usa ka problema gayud tungud kay ang tanang butang nga naggikan sa imong kinabuhi dili makalipay. Sa pagkatinuud, adunay mahimong hilabihan ka dakong pag-antos, sakit sa kasingkasing, kalisud, pagsulay, ug kalisdanan. Apan ikaw dili kinahanglan mabalaka, kay adunay usa ka tinuyong saad para sa nagaantos nga mga magtotoo diha sa labawng grasya o diha sa dalan ngadto sa labawng grasya.¹⁸

Ug kita nakahibalo nga ang Dios naghimo sa tanang mga butang nga nagtimbayayong para sa kaayohan ngadto kanila kinsa nahigugma sa Dios, kinsa gitawag sumala sa *Iyang* katuyoan. (Mga Taga-Roma 8:28)

Kon ikaw positibo sa Pulong sa Dios ug naggamit sa doktrina sa Bibliya sa makanunayon, diha sa adlaw-adlaw

18. Labawng grasya mao ang “mas dakong grasya” sa Santiago 4:6, ang kahimtang sa espirituhanong pagkahamtong diin ang normal nga kalihukan diha sa Kristohanong kinabuhi ug produksiyon sa divine nga kamaayo nagsugod; ang kahimtang sa nag-unang paggamit sa grasya diha sa parihong kalisud ug kauswagan pinaagi sa kahibalo sa doktrina ug nagapadayon nga pagsulud sa Pulong sa Dios; ang lugar sa pag-ani kun unsa ang napugas sa Dios. Gipaila sa pagkinabuhi uban ni Kristo ug labawng grasya nga mga kapasidad—kagawasan, kinabuhi, gugma, kalipay, kauswagan, kalisud, ug espirituhanon ug materyal nga mga panalangin—ang magtotoo uban sa kinadak-ang doktrina diha sa iyang kalag naghimaya sa Dios. Tan-awa Thieme, *Reversionism*.

nga basehanan, ang pag-antos mahimong usa na lamang ka panalangin para kanimo.¹⁹ Ang tanang mga butang dili maayo, layo ra niini. Apan para sa hamtong nga magtotoo, “Ang Dios naghimo sa tanang mga butang nga nagtimbayayong para sa kaayohan.” Ang tanang mga butang diha sa imong kinabuhi dili makalipay, apan tanang mga butang nga nagtimbayayong sa gihapon para sa kaayohan; ug tungud kay sila nagtimbayayong, kini maoy kabubut-on sa Dios nga ikaw magpasalamat sa Ginoo para sa *tanang butang* nga moabut diha sa imong kinabuhi—ang pag-antos, ang mga kalisud, ang mga pagsulay ug mga sakit sa kasingkasing, apil na ang mga panalangin, mga kalampusan, ug mga kadaugan. Hinumdumi, ang pag-antos gidisenyo sa pagpanalangin sa labawng grasya nga magtotoo. Bisan pa ang pag-antos sa disiplina maoy usa ka panalangin, kay kini maoy pahimangno sa Dios nga ikaw wala diha sa Iyang kabubut-on ug Siya nagpahinumdom kanimo sa pagrebound ug pagpadayon sa pag-abante.

Kon ikaw makahimo sa kabubut-on sa Dios, ug kon ikaw magiyahan sa Ginoo, ikaw kinahanglan nga mobaton og kahibalo sa doktrina sa paghatag og kapasidad para sa pag-antos. Ang magtotoo nga adunay doktrina lamang diha sa iyang kalag ang sa tinuud nga makaila sa pag-antos isip usa ka matang sa panalangin gikan sa Ginoo. Ikaw ba, isip usa ka Kristohanon, adunay labawng grasya nga kapasidad sa pagpasalamat sa Ginoo para sa matag dili maayo nga butang nga nahitabo diha kanimo karong adlaw? Ikaw ba adunay kapasidad sa pagpasalamat sa Ginoo para sa mga sakit sa kasingkasing, mga problema, mga kalisud? Ang kapasidad para niining bahina sa Kristohanong pagpuyo nagagikan lamang sa positibong kabubut-on sa doktrina ug unya pagtoon ug paggamit nianang doktrinaha. Diha lamang nga ikaw adunay kapasidad para sa tanang pag-antos, apil na ang mga panalangin, mga

19. Thieme, *Christian Suffering* (2002), 62-67.

kadaugan, ug mga kalampusan sa imong kinabuhi.

Pag-antos

Kini mao ang kabubut-on sa Dios nga kita mag-antos.

Kay kini mas maayo, kon ang Dios magbuut niini, nga ikaw mag-antos para sa paghimo sa husto [para sa panalangin] hinoon kaysa paghimo kon unsa ang sayup [para sa disiplina o kastigo]. (1 Pedro 3:17)

Bisan og adunay daghang mga hinungdan diha niining partikular nga hunahuna, kon ikaw makasabut nga ang katuyoan sa pag-antos mao ang panalangin, busa ikaw magsugod sa pagsabut nga ang Dios adunay usa ka rason para niining tanan. Kon kini dili kabubut-on sa Dios para kanimo nga moantos, busa sa katapusan ikaw mapanalanginan diha sa pag-antos.

Busa, tugoti usab kinsa kadtong nag-antos sumala sa kabubut-on sa Dios [pag-antos para sa panalangin diha sa espirituhanong pagkahamtong] nga magtugyan sa ilang mga kalag ngadto sa usa ka matinumanon nga Magbubuhat [ang Ginoong Jesu-Kristo] diha sa paghimo kun unsay husto. (1 Pedro 4:19)

Ang Dios sa kanunay matinumanon ngadto kanato bisan diha sa pag-antos. Wala mahitakus nga pag-antos maoy usa ka paagi sa paggiya sa atong atensiyon ngadto sa mga butang nga importante diha sa kinabuhi—fellowship uban sa Dios, pagtoon sa Pulong, pagtubo diha sa grasya, uban pa. Ang pag-antos nagpasidungog ni Kristo pinaagi sa pagmatuud sa katinuuran sa atong pagtoo (1 Pedro 1:7), pinaagi sa pag-ugmad og pagsugut

sa Iyang kabubut-on (Mga Hebreohanon 5:8-9) ug paglahutay ug pagsalig diha sa espirituhanong kinabuhi (Mga Taga-Roma 5:3), ug pinaagi sa pagpugong sa pagkamapahitas-on (2 Mga Taga-Corinto 12:6-10).

Pagsalig

Kini mao ang kabubut-on sa Dios para sa matag magtotoo sa pagsalig sa Ginoo.

Salig diha sa GINOO uban sa tanan nimong kasingkasing [toong lingin nga kabahin sa kalag],

Ug ayaw pagsandig diha sa imong kaugalingong pagsabut.

Diha sa tanan nimong mga paagi ilha Siya,

Ug Siya mohimo sa imong mga agianan nga tul-id.
(Mga Proberbio 3:5-6)

Ayaw pagdepende diha sa tawhanong panglantaw sa kinabuhi, apan hinoon diha sa divine o biblikal nga panglantaw, pagsalig sa Ginoo diha sa matag sitwasyon. Gusto ba nimo nga mga ang Dios mogiya kanimo? Gusto ba nimo nga Siya mopatultul sa imong agianan, sa pag-agak kanimo subay sa agianan? Busa ania og unsaon: “Salig diha sa GINOO uban sa tanan nimong kasingkasing” o toong lingin nga kabahin. *Ang maputli nga mga hunahuna sa doktrina, dili ang malimbungon nga mga hunahuna sa tawo, mao ang basehanan para sa divine nga paggiya.* Ayaw pagdepende sa imong kaugalingong pagsabut; ayaw pagdepende sa tawhanong panglantaw; ayaw pagdepende sa panghunahuna sa laing mga tawo. Paghunahuna og divine nga panglantaw diha sa matag butang ug Siya moagak sa imong kinabuhi. Siya sa kanunay mogiya kanimo. Wala gayuy panahon nga siya mopakyas kanimo—

wala bisan sa makausa!

Maayong mga Buhat

Kini mao ang kabubut-on sa Dios para sa matag magtotoo sa paghimo og divine nga kamaayo.

Kay kana mao ang kabubut-on sa Dios nga pinaagi sa pagbuhat sa husto ikaw mahimong mopahilum sa kaignorante sa buangbuang nga mga tawo. (1 Pedro 2:15)

Dinhi atong makita nga “pagbuhat sa husto,” o paghimo sa divine nga kamaayo, mao ang kabubut-on sa Dios. Ang mga magtotoo gibilin dinhi sa kalibutan sa pagrepresentar ug sa paghimaya ni Ginoong Jesu-Kristo. Kabahin sa pagrepresentar Kaniya mao ang paghimong epektibo diha sa ginsakpan sa produksiyon, nga maoy natural nga laing abut sa espirituhanong pagkahamtong. Sama nga walay lugar para sa tawhanong kamaayo diha sa kaluwasan (Mga Taga-Efeso 2:8-9), walay lugar para sa tawhanong kamaayo diha sa espirituhanong kinabuhi.

Human sa kaluwasan, ang Dios naghatag sa mga kabtangan diin kita makahimaya ug makasilbi Kaniya, diin kita makarepresentar Kaniya nga epektibo isip mga embahador para ni Kristo. Busa, kini maoy kabubut-on sa Dios para sa magtotoo sa paghimo og divine nga kamaayo. Bisan pa niana, ang tanan nga maong produksiyon kinahanglan anaa diha sa gahum ug pagpuno sa Balaang Espiritu.

MGA KLASE SA KABUBUT-ON SA DIOS

Tulo ka *mga klasipikasyon* sa kabubut-on ang anaa diha sa

kasaysayan. Una, ang divine nga kabubut-on o ang labawng kamandoan sa Dios anaa sa waykatapusan, gawas sa kabubut-on sa bisan unsang binuhat.²⁰

Ikaduha, ang anghelanong kabubut-on mao ang basehanan para sa anghelanong away.²¹ Ang anghelanong kabubut-on nagtinguha sa pagsamok sa tawhanong kasaysayan diha sa usa ka pagsulay sa pagbabag sa divine nga kabubut-on. Alang niana, si Satanas nagtinguha sa pag-impluwensiya ug pag-among-among sa kaluwasan sa mga dimagtotoo ug pagdani sa mga magtotoo sa pagsalikway sa Pulong sa Dios (Genesis 3:4), pinaagi niana gipugngan ang ilang pag-abante ngadto sa espirituhanong pagkahamtong. Si Satanas usab anaa diha sa patigayon sa paglikay sa mga magtotoo gikan sa pagkab-ot sa hustong hiyograpikal nga lokasyon (1 Mga Taga-Tesalonica 2:18).

Ikatulo, ang tawhanong kabubut-on gihimo sa pagsulbad sa anghelanong away. Ang Dios mihatag og gawasnong kabubut-on ngadto sa katawhan ug Siya wala mosupak nianang gawasnong kabubut-on. Mao kini ang rason ngano nga ang pipila ka mga katawhan dili gayud luwas. Ang Dios nagtugot sa mga dimagtotoo ug mga magtotoo sa paghimo og mga desisyon, bisan kon sila nahiuyon sa Iyang tinguha para kanila o dili. Ang istorya ni Balaam nagbutyag sa tulo ka *mga klase* sa divine nga kabubut-on ug giunsa sa Iyang kabubut-on sa pagbutyag uban sa tawhanong kabubut-on ug pagbatok sa satanasnong kabubut-on.

20. Thieme, *The Integrity of God*, 296-327.

21. Ang anghelanong away mao ang dimakita nga gubat tali sa Dios ug ni Satanas, gisilaban pinaagi sa una sa kasaysayan nga rebolusyon ni Satanas. Sa dihang ang Dios mipahamtang og silot ni Satanas ngadto sa waykatapusang paghukom, si Satanas miapelar sa silot, mipasangil sa Dios og inhustisya; ang Dios mitubag pinaagi sa pagbuhat sa katawhan sa pagsulbad sa anghelanong away, nagpakita sa Iyang perpektong integridad ug grasya diha sa tawhanong kasaysayan bisan pa sa satanasnong pagbatok. Tan-awa Thieme, *Satan and Demonism* (1996), 1-4.

Direktiba nga Kabubut-on sa Dios

Ang direktiba nga kabubut-on sa Dios pariho ra sa tinguha sa Dios. Ang iyang mga direktiba mao ang mga mando ug mga pagdili: “Buhata kini! Ayaw kini buhata!”

Ug ang Dios miingon ngadto ni Balaam, “Ayaw kakuyog uban kanila; ikaw dili magtunglo sa katawhan; kay sila napanalanginan.” (Numeros 22:12)

Si Balak, ang Hari sa Moab, gusto nga mosuhol ni Balaam sa pagtunglo sa mga Hudiyo aron nga ang mga Moabite makapildi kanila. Ang kabubut-on sa Dios para ni Balaam mao ang pagdumili sa pagkuyog uban ang mga mensahero gikan ni Balak: “Ayaw kakuyog uban kanila; ikaw dili magtunglo sa katawhan.” Busa, ang direktiba nga kabubut-on sa Dios nagpugong ni Balaam sa pagkuyog kanila.

Matuguton nga Kabubut-on sa Dios

Ang matuguton nga kabubut-on sa Dios nagpasabut nga ang Dios nagtugot sa tawo sa paghimo og mga desisyon ug nagtugot sa pipila ka mga butang nga mahitabo bisan pa og sila dili iyang tinguha. Ang Dios dili mopugus sa tawhanong kabubut-on. Si Balaam midesisyon sa pag-adto sukwahi sa direktiba nga kabubut-on sa Dios. Si Balaam nagalihok diha sa materyalismo nga kaibog gikan sa iyang kinaiyang makasasala;²² tungud kay si Balaam determinado nga mahimong dato, siya sa pagkadesperado gusto niya ang bayad gikan ni Balak para sa pagtunglo sa mga Hudiyo. Mas importante para ni Balaam ang

22. Thieme, *God the Holy Spirit vs. The Sin Nature*.

mga bahandi kaysa pagsugut sa kabubut-on sa Dios. Busa, siya migamit sa iyang negatibong kabubut-on sa pagsupak sa kabubut-on sa Dios.

Ug ang Dios miadto ni Balaam sa gabii ug miingon ngadto kaniya, “Kon ang katawhan mianha sa pagtawag kanimo, bangon *ug* kuyog uban kanila; apan ang pulong lamang nga akong isulti kanimo ang imong pagahimoon.” (Numeros 22:20)

Ang kamatuuran nga ang Dios mitugot ni Balaam sa pag-adto nagpahayag sa divine nga pag-ila sa gawasnong kabubut-on. Kon ang Dios misupak sa gawasnong kabubut-on ni Balaam, busa ang Dios dili mahimaya pinaagi sa maong pagpugus. Diha sa grasya, ang Dios misulay sa pagpugong sa pagkagahig ulo ni Balaam. Apan sa dihang si Balaam miadto diha sa negatibong mga sinyales, ang Dios mipadaplin ug mitugot kaniya sa pag-adto. Bisan pa niana, ang Dios mahimaya ug iyang plano para sa tawhanong kasaysayan sa kanunay matuman bisan pa sa mabatukong mga desisyon sa tawo (Mga Salmo 76:10).

Ang Dios nagdisiplina para sa kamasupilon, apan Siya dili magpugus sa kamasinugtanon. Samtang ang pagkamatarong sa Dios wala magsupak sa tawhanong kabubut-on ni Balaam, ang hustisya sa Dios midisiplina ni Balaam. Ang disiplina sa Dios maoy usa ka pagpaila sa iyang gugma para ni Balaam sa pag-awhag kaniya sa pagbalik ngadto sa kabubut-on sa Dios (Mga Proberbio 3:12; Mga Hebreohanon 12:6).

Matigbabawon nga Kabubut-on sa Dios

Ang matigbabawon nga kabubut-on sa Dios nagpasabut nga si Jesu-Kristo nagkontrol sa kasaysayan.

Apan ang Dios nasuko tungud kay siya [Balaam]

moadto, ug ang anghel sa GINOO miila sa iyang baroganan diha sa paagi isip usa ka kaaway batok kaniya. . . . Unya ang GINOO mibutang og pulong diha sa baba ni Balaam ug miingon, “Balik ngadto ni Balak, ug busa ikaw mosulti.” . . . Unya si Balak miingon ngadto ni Balaam, “Unsa man ang imong gihimo nganhi kanako? Ako mikuha nimo sa pagtunglo sa akong mga kaaway, apan tan-awa, ikaw sa tinuud mipanalangin kanila!” Ug siya [Balaam] mitubag ug miingon, “Ako dili ba kinahanglan nga mabinantayon sa pagsulti kon unsa ang gibutang sa GINOO sulud sa akong baba?” . . . Unya si Balak miingon ngadto ni Balaam, “Ayaw gayud tungloha sila ni panalangini gayud sila!” Apan si Balaam mitubag ug miingon ngadto ni Balak, “Ako ba wala misulti kanimo, ‘Bisan unsa ang isulti sa GINOO, kana akong kinahanglan pagabuhaton?’” (Numeros 22:22a; 23:5, 11-12, 25-26)

Si Balaam wala tugoti sa pagtunglo sa mga Hudiyo para sa pipila ka mga rason. Una sa tanan, ang disiplina ug paghukum sa Israel maoy sa kanunay usa ka divine nga katungud. Ikaduha, ang pagtunglo ni Balaam mahimong sama ra nga batok sa Semitismo (Genesis 12:1-3),²³ nga naglambigit ni Satanas ug mga demonyo apil na ang negatibong tawhanong kabubut-on. Ubos sa matigbabawon nga kabubut-on sa Dios, sa pagtipig uban sa Iyang saad sa Genesis 12:2, Siya naggamit sa Iyang divine nga labawng kamandoan sa pagpanalipod sa Iyang katawhan gikan sa satanasnong kalihukan. Busa, si Balaam gipugngan sa pagtunglo sa mga Hudiyo.

Ang direktiba nga kabubut-on sa Dios mao ang paggamit

23. Thieme, *Anti-Semitism* (2003), 19-21.

sa Iyang labawng kamandoan, nga dili motugot sa Israel nga pagatunglohon. Ang matugoton nga kabubut-on sa Dios naglambigit sa negatibong kabubut-on sa usa ka tawo, niini nga hitabo, si Balaam. Ang matigbabawon nga kabubut-on sa Dios naglambigit sa divine nga pagkapukan sa satanasnong kabubut-on. Si Satanas mitinguha sa pagtunglo sa Israel, apan ang Dios wala mitugot niini.

ANG PANGLIHOK SA DIVINE NGA PAGGIYA MGA BUHAT 11:5-16

Unsaon man tuud sa Dios sa paghimo sa paggiya sa katawhan? Ang istorya ni Pedro ug ni Cornelius nagpasulabi sa pito ka panglihok sa divine nga paggiya. Isip pinaagi sa kasayuran, diha sa Mga Buhat 11:1-4, ang Hudiyong mga magtotoo diha sa Jerusalem nakadawat sa balita nga si Pedro misangyaw sa Ebanghelyo ngadto sa mga Hentil (bersikulo 1). Sa dihang si Pedro mibalik ngadto sa Jerusalem gikan sa balay ni Cornelius sa Caesarea, sila mipangutana kaniya bahin sa hentil nga Pentekostes (bersikulo 2).²⁴ Kini nga legalismong mga magtotoo mibatok ug mibatikos ni Pedro sa pagkaon uban ang wamatuli nga mga Hentil kinsa wala mituman sa Hudiyong pangdyeta nga mga balaod (bersikulo 3).²⁵ Si Pedro mipasabut sa sitwasyon pinaagi sa mahandumong paghulagway sa unsay nahitabo didto sa Caesarea ug Joppa (bersikulo 4). Sa dihang siya misugilon niining mga panghitabo, ang mga hinungdan diha sa paggiya sa Dios nahimong klaro.

24. Pentekostes nagpasabut sa adlaw sa A.D. 30 sa dihang ang pagkanaog sa Balaang Espiritu ug sa Iyang pagpuyo ug pagpuno sa mga magtotoo mimantala sa sinugdanan sa Kapanahonan sa Simbahan.

25. Kini nga legalistang Hudiyong mga magtotoo masaypanong mitinguha sa pagpuyo sa talagsaong espirituhanong kinabuhi sa Kapanahonan sa Simbahan pinaagi sa estriktong pagsunud sa Codex III sa Balaod ni Moses; niini nga hitabo, sa piho ang pangdyeta nga mga balaod nga nagmando unsa ang makaon sa usa ka Hudyo. Tan-awa Thieme, *Levitical Offerings* (2004), 7.

Paggiya pinaagi sa Pag-ampo

Si Pedro nagsugilon sa iyang kasinatian:

“Ako diha sa siyudad sa Joppa nag-ampo; ug diha sa usa ka punaw ako nakakita og usa ka bisyon.”
(Mga Buhat 11:5a)

Ang magtotoo adunay usa ka makatarunganon nga katungud sa pagpangutana sa Dios para sa paggiya, para sa pagtinaw sa pag-ampo. Ang paggiya pinaagi sa pag-ampo tinuud lamang sa dihang ang magtotoo nag-atubang uban sa usa ka sitwasyon diin wala gihinganlan pinaagi sa pipila ka direktang pamahayag sa Bibliya. Pananglitan, kini dili kinahanglan para sa usa ka magtotoo sa pag-ampo para sa paggiya bahin sa pagminyo og usa ka dimagtotoo tungud kay ang Bibliya sa pihong nagdili niini (2 Mga Taga-Corinto 6:14). Bisan pa niana, kita sa pagkatinuud mahimo sa pagpangayo sa paggiya sa Dios pinaagi sa pag-ampo mahitungud sa butang *kinsa* nga magtotoo atong pagaminyoan. Adunay daghang mga panahon sa dihang kita isip mga magtotoo moadto sa trono sa grasya “aron nga kita makadawat og kalooy ug makakita og grasya sa pagtabang diha sa panahon sa pagkinahanglan” (Mga Hebreohanon 4:16). Kasagaran kini mao ang panahon sa dihang kita nagkinahanglan og paggiya diha sa usa ka partikular nga butang, ug ang Dios naghatag niana nga paggiya sa dihang kita nangita niini pinaagi sa pag-ampo (Mateo 21:22).

Unsaon man aron kita magiyahan pinaagi sa pag-ampo? Ang atong mga pag-ampo dili pagatubagon diha sa usa ka kilab sa mistikal nga pinadayag. Sila dili direktang mga tubag gikan sa tingog sa Dios Mismo. Siya mahimong motubag diha sa wala damha nga mga paagi. Siya mahimong motubag sa tinguha sa atong petisyon apan dili ang atong tinuyong petisyon. Apan kon kita nagsalig nga ang usa ka tubag ihatag ug naggamit sa

doktrina gikan sa atong mga kalag, kita makadiskubre sa Iyang paggiya diha mahitungud sa butang. Ang usa ka ‘pultahan’ mahimong bukas kaayo o sirado; kita makakuha og usa ka hubag diha sa atong ulo samtang nagpalagpak ang pultahan, o adunay usa ka pahiyum sa atong nawong samtang kita naglakaw agi sa pultahan.

Paggiya pinaagi sa Toong Lingin nga Kabahin sa Kalag

“Ug sa dihang akong gipunting ang akong pagtutok niini ug nagpaniid niini [*katanoeo*].” (Mga Buhat 11:6a)

Katanoeo, “nagpaniid,” diha sa imperfect active indicative nagpasabut og “pagpalandong sa usa ka butang sa hilabihan ka mahunahunaon diha sa imong hunahuna.” Ang Dios sa kanunay nagtudlo diha sa pagtuman uban sa Iyang Pulong, dili gayud sukwahi sa Iyang Pulong. Ang paggiya naggikan pinaagi sa Pulong sa Dios, diin kinahanglan nga pagatuhupon; kay ang pagtudlo nga ministeryo sa Balaang Espiritu nagalihok lamang pinaagi sa kahibalo sa doktrina. Ang duha may pasiglabot pinaagi sa Mga Taga-Roma 8:14: “Kay ang tanan kinsa gitudloan pinaagi sa Espiritu sa Dios, kini mao ang mga anak sa Dios [hamtong nga mga anak].” Mas daghan ang atong mahibaw-an sa Pulong sa Dios, mas labaw nga kita makasabut sa kabubut-on sa Dios.

Kundili tungud sa doktrina diha sa toong lingin nga kabahin ni Pedro, siya dili moadto sa Caesarea. Diha sa Caesarea siya mipalandong sa mga butang nga iyang nakit-an, ug siya miila sa kabubut-on sa Dios pinaagi sa pagtakdo sa sitwasyon uban sa iyang kahibalo sa Pulong. Si Pedro mipaniid ug mitasal gikan sa divine nga panglantaw nga ang mga magtotoo sa Kapanahonan sa Simbahan wala na gimandoan pinaagi sa pangdyeta nga

mga balaod sa Balaod ni Moses (Mga Buhat 11:6b-10). Busa, siya mikaon uban sa mga Hentil. Ubus sa mitna sa divine nga paggiya, ang Dios nagtinguha para sa magtotoo sa paggamit sa mentalidad sa toong lingin nga kabahin sa kalag sa pag-ila sa Iyang kabubut-on.

Paggiya pinaagi sa Pulong sa Dios

“Ako usab nakadungog og usa ka [divine] nga tingog nga nagsulti kanako.” (Mga Buhat 11:7a)

Sa wala pa nakompleto ang kanon sa Kasulatan, dihay pipila ka mga paagi diin ang Dios mipaila sa mga magtotoo. Dihay direkta nga komunikasyon, nahibaloan isip gisulti nga pulong, “Busa nag-ingon ang Ginoo”; mga damgo, mga punaw, mga bisyon, Karaang Kasulatan nga pagwali, ug Karaang Kasulatan maoy laing mga paagi diin ang Dios migiya sa Iyang katawhan. Si Pedro gigiyahan pinaagi sa divine nga pinadayag, diin dinhi nga hitabo, sa panahon sa talagsaon, sinugdan nga panahon sa Kapanahonan sa Simbahan, mao ang usa ka punaw diin ang mga pagtudlo gihatag sa laktod pinaagi sa Dios (Mga Buhat 11:5a). Apan karon nga kita anaa na sa kompletong kanon sa Kasulatan,²⁶ ang atong paggiya naggikan *lamang* pinaagi sa Pulong sa Dios, dili pinaagi sa tinuud nga “tingog” sa Dios Mismo.

Paggiya pinaagi sa Pinaigo sa Dios nga mga Kalabutan

“Ug tan-awa, diha nga takna tulo ka kalalakihan ang mipakita atubangan sa balay diin kami *nagpuyo*,

26. Thieme, *Canonicity* (1973).

nga gipadala ngadto kanako gikan sa Caesarea.”
(Mga Buhat 11:11)

Tulo ka kalalakihan ang mihimo sa usa ka adlaw nga byahe gikan sa Caesarea ngadto sa balay diha sa Joppa diin si Pedro “*nagpuyo*.” Ang ilang pag-abut naghimo sa pinaigo sa Dios nga mga kalabutan. Ang buhat sa Dios kasagarang gitawag og pag-alima sa Dios pinaagi diin Siya nagporma sa tanang mga hitabo ngadto sa katumanan sa Iyang waykatapusang katuyoan. Apan kita kinahanglan nga magmabinantayon sa pagtukib niining mga kalabutan; sila mahimong malimbungon. Usahay ang mga kalabutan maoy magsulay kanato bahin sa paghibalo sa kabubut-on sa Dios. Kon ang usa ka pultahan nag-abli nga sukwahi sa Pulong sa Dios ug kita molakaw niini, kini nagpakita nga kita wala mitoo ug naggamit sa mga doktrina sa Iyang Pulong. Bisan pa niana, adunay daghang mga hitabo diin ang *Dios* nag-abli og mga pultahan ug naggiya sa mga magtotoo pinaagi sa pinaigo sa Dios nga mga kalabutan, ug kini mao ang usa ka maayog kabubut-on nga klase sa paggiya.

Paggiya pinaagi sa Pagpuno sa Balaang Espiritu

“Ug ang Espiritu misulti kanako sa pagkuyog uban kanila [ngadto sa Caesarea] nga walay mga pagduhaduha.” (Mga Buhat 11:12a)

Kini maoy direktang pinadayag gikan sa Balaang Espiritu diha sa usa ka “bisyon” nga midala kang Pedro ngadto sa Caesarea. Apan karong panahona, ang Balaang Espiritu wala gayud naggiya sa magtotoo gawas kon gikan sa Iyang pagpuno nga ministryo ug ang sinulat nga pinadayag sa doktrina sa Bibliya. Ang Balaang Espiritu dili makagiya sa magtotoo kon siya nagguul o nagpalong Kaniya (Mga Taga-Efeso 4:30; 1 Mga Taga-Tesalonica 5:19). Usab aduna kitay pagkinahanglan

para sa pagpuno sa Espiritu. Kita kinahanglan makasabut nga ang kabubut-on sa Dios mao nga kita sa makanunayon mapuno uban sa Espiritu (Mga Taga-Efeso 5:17-18). Unya, kita magsugod sa pagsabut sa Iyang plano para sa matag usa kanato sa tagsatagsa.

Paggiya pinaagi sa Pagtandi sa mga Hitabo

Si Cornelius midala sa yawe sa bisyon ni Pedro. Sa dihang si Pedro miabut sa balay ni Cornelius, usa ka hitabo ang nagpatim-aw nga midala sa dugang pang paggiya ni Pedro. Kita adunay usa ka pagsuta sa sitwasyon diha sa Mga Buhat 11:15:

“Ang Balaang Espiritu mikanaog ngadto kanila [Cornelius ug sa iyang hentil nga mga amigo], sama nga *Siya mikanaog* diha kanato [mga Hudiyo] sa sinugdanan [adlaw sa Pentekostes].” (Mga Buhat 11:15b)

Pinaagi sa pagsumpay sa butang katingalahan sa Pentekostes diha sa Jerusalem ngadto sa butang katingalahan nga nasaksihan ni Pedro diha sa “balay” ni Cornelius (bersikulo 13), kini nga kaindigan mikompirma ngadto kaniya nga ang hentil nga mga magtotoo diha sama sa Simbahan sa Hudiyong mga magtotoo. Ang plano sa Dios parihong para sa Hudiyo ug Hentil sa pag-ambit sa usa ka managsamang posisyon diha ni Kristo diha sa bag-ong dispensasyon nga gitawag og Kapanahonan sa Simbahan. Kini maoy dugang pang gipanghimatuud pinaagi sa Mga Taga-Efeso 2:14 ug 1 Mga Taga-Corinto 10:32.

Paggiya pinaagi sa Paghinumdum sa Kasulatan

“Ug ako nahinumdom sa pulong sa Ginoo.” (Mga Buhat 11:16a)

Si Pedro wala mibalik pagtan-aw sa mga wali nga iyang gisulti sa Caesarea uban ang katawhan sa Jerusalem. Siya wala mihimo sa dakong pagdetalye sa pagsaysay sa mga hitabo, apan siya mihimo niini nga klaro kaayo nga siya nakahinumdom sa mga pulong nga gisulti ni Kristo diha sa Mga Buhat 1:5: “Kay si Juan mibawtismo pinaagi sa tubig, apan kamo pagabawtismohan pinaagi sa Balaang Espiritu sa dili madugay gikan karon [sa Pentekostes].”

Samtang si Pedro mihinumdum niini, kini milambo og dako sa iyang paggiya gikan sa Dios—sa iyang pagsabut nga ang parihong Hudiyo ug hentil nga mga magtotoo nakadawat sa gahum sa pagpuyo sa talagsaong espirituhanong kinabuhi sa Kapanahonan sa Simbahan (Mga Buhat 1:8). Pag-usab si Pedro nagiyahan tungud kay siya adunay Kasulatan diha sa iyang toong lingin nga kabahin, ug siya mihinumdum niini sa hustong panahon.

KONKLUSYON

Mobalik kita ngadto sa usa ka sukaranan nga prinsipyo: Kini mao ang kabubut-on sa Dios nga ang tanang myembro sa katawhan maluwas. Siya “wala nagtinguha para sa bisan kinsa aron malaglag apan para sa tanan nga moabut ngadto sa paghinulsol” (2 Pedro 3:9b). “Ug kini mao ang Iyang kasugoan, nga kita motoo diha sa ngalan sa Iyang Anak nga si Jesu-Kristo” (1 Juan 3:23a).

Tingali niini nga pinaka takna ikaw naningkamot sa pagdesisyon para sa imong kaugalingon: Ako ba anaa diha

sa usa ka posisyon sa paghimo sa kabubut-on sa Dios? Kon ikaw wala pa makadawat ni Kristo isip imong Manluluwas, busa kana nga pangutana kinahanglan adunay usa ka negatibong tubag. Makahimo ka ba kabubut-on sa Dios? Walay tawo dinhi sa tibuuk niini nga kalibutan ang makahimo sa kabubut-on sa Dios hangtod nga siya nagtoo ni Jesu-Kristo. Ang pinakauna nga panahon diha sa imong kinabuhi sa dihang ikaw mituman sa kabubut-on sa Dios mao kana nga takna sa dihang ikaw sa personal mitoo diha ni Ginoong Jesu-Kristo, nagdawat Kaniya isip imong Manluluwas.

Apan sama kadaghan sa midawat Kaniya, ngadto kanila Siya mihatag sa katungud [gahum] sa paghimo nga mga anak sa Dios, *bisan* ngadto kanila kinsa mitoo diha sa Iyang ngalan. (Juan 1:12)

Si Jesu-Kristo ang mibuhat sa tanan diha sa kaluwasan. Wala kitay mahimo bisan unsa. Walay enerhiya-sa-unud nga kalihukan, walay tawhanong binuhatan o buhat nga makadugang niining “labing dakong kaluwasan” (Mga Hebreohanon 2:3, KJV). Ang Dios nga Amahan mao ang magbubuhat sa plano sa kaluwasan, ug ang Dios nga Amahan maoy perpekto. Tungud kay ang Dios nga Amahan maoy perpekto, ang Iyang plano maoy perpekto. Apan kon diha sa bisan unsa nga punto sa iyang plano ang tawo ug iyang enerhiya-sa-unud nga mga buhat nagsulud ngadto sa hulagway, busa kini dili na mao ang perpekto nga plano sa Dios. Busa, ang mga binuhatan sa tawo dili sa bisan unsa nga paagi maapil diha sa kaluwasan. Ang tanan nga buhat natuman na pinaagi ni Jesu-Kristo didto sa krus. Siya nagpakamatay para sa atong mga sala. Siya mipuli sa atong lugar.

Ug Siya Mismo mipas-an sa atong mga sala diha

sa Iyang lawas didto sa krus. (1 Pedro 2:24a)

Susama kalayo sa sidlakan nga nagagikan sa kasadpan,
Ingon usab kalayo nga Siya magawagtang sa atong mga kalapasan nga gikan kanato.
(Mga Salmo 103:12)

Walay bisan unsa nga butang ang atong madugang; walay bisan unsa nga butang ang atong makuha gikan niining waykatumbas nga kaluwasan. Tungud kay kini natuman lapas sa duha ka libo ka katuigan ang milabay, walay bisan unsay butang ang nahibilin para kanato karon apan sa pagsulud ngadto sa plano pinaagi sa pagtoo lamang. Si Jesus nagsulti, “Ako ang pultahan; kon si bisan kinsa ang mosulud pinaagi Kanako, siya maluwas” (Juan 10:9a). Ikaw makasulud lamang pinaagi ni Ginoong Jesu-Kristo. Pagsulud niini nga pultahan maoy usa ka yanong butang. Kini nagpasabut sa yanong pagtoo diha ni Jesu-Kristo isip imong Manluluwas.

Apan kini nahisulat aron nga ikaw motoo nga si Jesus mao si Kristo, ang Anak sa Dios; ug nga diha sa pagtoo ikaw mahimong adunay kinabuhi diha sa Iyang ngalan. (Juan 20:31)

Kon ikaw nagtinguha sa waykatapusang kaluwasan, kon ikaw gusto sa kapasayloan ug pagputli sa wapaykaluwasan nga mga sala—ang tanan nga mga sala nga nahimo sa wala pa ang kaluwasan—ug ang saad sa kapasayloan ug pagputli sa human-sa-kaluwasan nga mga sala pinaagi sa rebound, ug kon ikaw gusto og divine nga paggiya sa paghimo sa kabubut-on sa Dios, ikaw kinahanglan magsugod dinhi niini nga punto:

“Too diha kang Ginoong Jesus, ug ikaw maluwas.”
(Mga Buhat 16:31*b*)

Isip usa ka magtotoo diha ni Jesu-Kristo, ikaw gawasnon sa pagsunud sa tinagsa nga plano sa Dios para sa imong kinabuhi isip ikaw nagiyahan pinaagi Niya. Sa pagsumada sa mga prinsipyo sa divine nga paggiya, una ug sa labing mahinungdanong paagi, kita kinahanglan nga adunay gahum sa paghimo sa kabubut-on sa Dios. Ang kabubut-on sa Dios dili mahimo diha sa enerhiya sa unud. Kini maoy sa tawhanon imposible. Ang bugtong paagi sa paghimo sa kabubut-on sa Dios mao ang pinaagi sa gahum sa pagpuno sa Balaang Espiritu. “Ang tanan kinsa gigamit sa Espiritu sa Dios, kini mao ang mga anak sa Dios” (Mga Taga-Roma 8:14). Kini mao ang mitna sa pagsugut sa kabubut-on sa Dios. Isip usa ka resulta sa pagkapuno sa Espiritu, pinaagi sa prinsipyo sa 1 Juan 1:9, kita makasugut sa kabubut-on sa Dios, dili lamang sa dihang kita makahibalo niini apan bisan pa sa wala pa kita makahibalo niini. Sa laing pagkasulti, kita anaa dinhi sa paghimo sa Iyang kabubut-on ug, busa, kita masugtanon sa paghimo sa Iyang kabubut-on. Ikaduha, ang kabubut-on sa Dios nasulud diha sa usa ka libro, ang Pulong sa Dios. Kita kinahanglan nga makahibalo sa Pulong sa Dios aron sa paghimo sa kabubut-on sa Dios. Sa katapusan, ang espirituhanong pagtubo ug pagkahamtong maoy mahinungdanon kaayo diha sa pagsabut ug pagtuman sa kabubut-on sa Dios. Idugang niini ang mga mando, mga kategoriya, ug panglihok sa divine nga paggiya, ug kita anaa sa mga sukaranon para sa paghimo sa kabubut-on sa Dios.

Kini nga pagtoon nag-apil sa kinatibuk-ang biblikal nga mitna sa paggiya ug naghatag og usa ka tibuuk nga pagdayeg sa hilisgutan, apan kini wala magsulti kanimo unsay pagahimoon diha sa matag pihong hitabo. Kini kinahanglan pagahukman gikan sa imong tagsatagsa ka aplikasyon sa mga doktrina ug mga prinsipyo diha sa Pulong sa Dios. Ang divine nga paggiya

maoy usa ka butang mahitungud sa pagsabut sa biblikal nga mga mando nga naghatag sa kabubut-on sa Dios, nagtubo ngadto sa espirituhanong pagkahamtong, ug nagdepende diha sa Ginoo sa pagbutyag sa mga detalye sa Iyang kabubut-on para sa imong kinabuhi.

Kay ingon niana ang Dios,
Atong Dios hangtod sa kahangturan;
Siya mogiya kanato hangtod sa kamatayon. (Mga
Salmo 48:14)

ANG DOKTRINA SA DIVINE NGA PAGGIYA

- I. Kahubitan: Ang divine nga paggiya mao ang doktrina sa pagdeterminar sa kabubut-on sa Dios para sa katawhan; ang komunikasyon sa divine nga kabubut-on pinaagi sa divine nga pinadayag.
- II. Sukaranon nga prinsipyo sa divine nga paggiya (1 Juan 3:23):
 - A. Para sa dimagtotoo—kaluwasan (2 Pedro 3:9).
 - B. Para sa magtotoo—espirituwalidad (Mga Taga-Efeso 5:18) ug gugmang-ligdong (1 Juan 3:23b).
- III. Tulo ka mga kategoriya sa kabubut-on diha sa kasaysayan:
 - A. Kinatas-an nga kabubut-on sa Dios.
 - B. Anghelanong kabubut-on.
 - C. Tawhanong kabubut-on.
- IV. Ang pagkatawo ni Kristo dihay gawasnong kabubut-on (Mateo 26:42; Mga Hebreohanon 10:7, 9).
 - A. Walay gawasnong kabubut-on diha sa katawhan nga mopasabut sa walay gawasnong kabubut-on diha sa pagkatawo ni Kristo.
 - B. Ang sukaranon nga prinsipyo sa divine nga

paggiya, bisan pa, gibase diha sa kamatuuran nga ang tawo naghuput og kabubut-on sa kalag isip gawasnong kabubut-on.

- V. Mga klase sa kabubut-on sa Dios nga may kalabutan sa katawhan (pananglitan, Balaam):
 - A. Ang direktiba nga kabubut-on pareho ra sa tinguha sa Dios. Ang iyang mga direktiba mao ang mga mando ug mga pagdili: “Buhata kini; Ayaw kini buhata” (Numeros 22:12).
 - B. Ang matuguton nga kabubut-on mao ang unsay gusto nga mahitabo sa Dios tungud kay Siya mihatag og gawasnong kabubut-on sa tawo (Numeros 22:20).
 - C. Ang matigbabawon nga kabubut-on mao ang prinsipyo nga si Jesu-Kristo ang nagkontrol sa kasaysayan (Numeros 23).
- VI. Mga mando sa divine nga paggiya:
 - A. *Uyon* ngadto sa kabubut-on sa Dios pinaagi sa pagpuno uban sa Balaang Espiritu sa paghatag gahum sa kamasinugtanon sa kabubut-on sa Dios (Mga Taga-Roma 6:13; 12:1-2; Mga Taga-Efeso 5:17-18; 1 Juan 1:9).
 - B. *Hibaloi* ang kabubut-on sa Dios pinaagi sa pagtigum og doktrina sa Bibliya diha sa toong lingin nga kabahin sa kalag (Mga Salmo 32:8; Mga Proberbio 3:1-6; Isaiah 58:11; Mga Taga-Roma 12:2).
 - C. *Tubo* diha sa kabubut-on sa Dios pinaagi sa pag-abante ngadto sa espirituhanong pagkahamtong aron sa paghimo sa iyang kabubut-on ngadto sa kinadak-an (Santiago 4:6; 2 Pedro 3:18).
- VII. Ang kabubut-on sa Dios para sa mga magtotoo:
 - A. Panglantaw nga kabubut-on sa Dios: Unsa man ang gusto sa Dios nga akong hunahunaon?
 - B. Operasyonal nga kabubut-on sa Dios: Unsa man ang gusto sa Dios nga akong himoon?

- C. Hiyograpikal nga kabubut-on sa Dios: Asa man sa Dios ako gusto moadto?

VIII. Panglihok sa divine nga paggiya (Mga Buhat 11):

- A. Paggiya pinaagi sa pag-ampo (bersikulo 5).
- B. Paggiya pinaagi sa toong lingin nga kabahin sa kalag (bersikulo 6).
- C. Paggiya pinaagi sa Pulong sa Dios (mga bersikulo 7-10).
- D. Paggiya pinaagi sa pinaigo sa Dios nga mga kalabutan (bersikulo 11).
- E. Paggiya pinaagi sa pagpuno sa Balaang Espiritu (bersikulo 12).
- F. Paggiya pinaagi sa pagtandi sa mga hitabo (mga bersikulo 13-15).
- G. Paggiya pinaagi sa paghinumdum sa Kasulatan (bersikulo 16).

Kalugpongan

anghelanong away Ang dimakita nga espirituhanog gubat diin ang mga pwera ni Satanas nakiggubat batok sa mga pwera sa Dios nga nagpadayon isip espirituhanong gubat diha sa tawhanong kasaysayan.

divine nga kamaayo Ang Kristohanong serbisyo or mga binuhatan nga gihimo sa magtotoo ubus sa pagpuno sa Balaang Espiritu nga mao, busa, ang madawat ngadto sa perpektong mga sumbanan sa Dios, adunay tinuud ug waykatapusang bili, ug makadawat og pag-ila ug ganti sa langit.

grasyahanong aparato sa panabut (GAP) Ang divine nga probisyon para sa espirituhanong pagsabut, pagtubo, ug pag-abante nga gigamhan pinaagi sa pagpuno sa Balaang Espiritu nga naghimo sa matag magtotoo nga makasabut, makakat-on, ug makagamit sa tibuuk ginsakpan sa doktrina sa Bibliya, way sapayan sa edukasyon o tawhanong IQ.

kinaiyang makasasala Gawas kang Jesu-Kristo, ang kinaiyang makasasala maoy usa ka kinahanglanon nga bahin sa matag tawo, ang sentro sa rebelyon sa tawo batok sa Dios. Ang kinaiyang makasasala orihinal nga nakuha ni Adan diha sa iyang pagkalaglag, maoy sunud niana nga gipasa sa kaliwatan

sa tanang katawhan pinaagi sa pagpanganak, ug nagpuyo diha sa selyulang gambalay sa tawhanong lawas. Kini naghimo sa parihong espirituhanong kamatayon ug bug-os nga pagkadaotan para sa tanang katawhan. Ang kinaiyang makasasala mao ang “tigulang nga tawo” sa Mga Taga-Efeso 4:22 (KJV); ang kinaiya ni Adan sa “unud” sa Mga Taga-Roma 8:3-4; ang prinsipyo sa “sala” sa Mga Taga-Roma 7:8-20; ang pagpadayon sa kaliwatan sa kinaiyang makasasala ug espirituhanong kamatayon “diha ni Adan” sa 1 Mga Taga-Corinto 15:22.

labawng grasya Mao ang “mas dakong grasya” sa Santiago 4:6, ang kahimtang sa espirituhanong pagkahamtong diin ang normal nga kalihukan diha sa Kristohanong kinabuhi ug produksiyon sa divine nga kamaayo nagsugod; ang kahimtang sa nag-unang paggamit sa grasya diha sa parehong kalisud ug kauswagan pinaagi sa kahibalo sa doktrina ug nagapadayon nga pagsulud sa Pulong sa Dios; ang lugar sa pag-ani kun unsa ang napugas sa Dios. Gipaila sa pagkinabuhi uban ni Kristo ug labawng grasya nga mga kapasidad—kagawasan, kinabuhi, gugma, kalipay, kauswagan, kalisud, ug espirituhanon ug materyal nga mga panalangin—ang magtotoo uban sa kinadak-ang doktrina diha sa iyang kalag naghimaya sa Dios.

legalismo Ang hilig sa kinaiyang makasasala sa katawhan nga naghimo sa waypulus nga mga paningkamot pinaagi sa tawhanong mga panglimbasog sa pagkab-ot og kaluwasan, espirituwalidad, o ang pag-uyon sa Dios pinaagi sa estriktong pagsunud sa usa ka kalagdaan sa pamatasan, rilihiyon, o moralidad ug nagresulta diha sa produksiyon sa sala, tawhanong kamaayo, ug daotan.

pagtoo-pahulay Ang sukaranon nga paagi sa magtotoo para sa pag-angkon sa mga saad sa Dios ug may kalabutan nga doktrinal nga mga prinsipyo, ug paghiusa kanila uban sa pagtoo

diha sa Pulong sa Dios. Kini naghimo og kalinaw sa kalag ug ang abilidad sa paghunahuna ubus sa presyur diha sa taliwala sa mga kalisud ug mga kauswagan sa kinabuhi. Kini gigamit sa kinadak-an lamang diha sa labawng grasya nga kinabuhi.

rebound Ang grasya nga paagi diin ang karnal nga magtotoo nagdawat og kapasayloan pinaagi sa paghingalan sa personal nga mga sala sa pribadong paagi ngadto sa Dios nga Amahan. Isip usa ka resulta, ang magtotoo nagbalik sa espirituwalidad, nahibalik ngadto sa fellowship uban sa Dios sa takna, nagbawi sa pagpuno sa Balaang Espiritu, ug nagpadayon sa espirituhanong kinabuhi.

toong lingin nga kabahin Ang nagmando nga lingin nga kabahin sa mentalidad sa kalag, gihingalan pinaagi sa Griyegong pulong *kardia*, nga nagliyok sa doktrina sa Bibliya pinaagi sa nagpaliyok sa panghunahuna sa kalag—pakisayran sa pangisip, sentro sa panumduman, bokabularyo, kategorikal nga tipiganan, ang konsensya, pagbuylo, ug mga bahin sa kinaadman—sa pagsuporta sa espirituhanong kinabuhi sa magtotoo.

Timan-anan sa Balaang Kasulatan

KARAANG KASULATAN

GENESIS

3:4.....	25
12:1-3	28
12:2.....	28
46:1-4	11

NUMEROS

22:12.....	26,41
22:20.....	27,41
22:22.....	28
23.....	41
23:5.....	28
23:11-12.....	28
23:25-26	28

MGA SALMO

32:8.....	41
48:14.....	39
76:10.....	27
103:12.....	37
138:1-2	20

MGA PROBERBIO

3:1-6	41
3:5-6	23
3:12.....	27
6:16-19	19
23:7.....	9

ISAIAH

55:7-9	9
58:11	1,41
64:6.....	19

JONAH

Libro ni.....	11
---------------	----

BAG-ONG KASULATAN

MATEO

	1:8.....	35
	4:12.....	15
11:28.....	15	9:15.....18
21:22.....	30	11.....42
26:42.....	40	11:1.....29

JUAN

	11:1-4.....	29
	11:2.....	29
	11:3.....	29
1:12.....	36	11:4.....29
3:7.....	14	11:5.....30,32,42
3:16.....	13,14	11:5-16.....29
3:18.....	14	11:6.....31,42
3:36.....	16	11:6-10.....32
6:37.....	15	11:7.....32
6:40.....	13	11:7-10.....42
6:47.....	14	11:11.....33,42
10:9.....	37	11:12.....33,42
11:25.....	15	11:13.....34
14:6.....	15	11:13-15.....42
15:16.....	4	11:15.....34
19:30.....	15	11:16.....35,42
20:31.....	37	16:7.....11
		16:31.....38

MGA BUHAT

1:5.....	35
----------	----

MGA TAGA-ROMA

2:18.....	2
5:3.....	23
5:8.....	14
6:13.....	3,5,41
7:8-20	44
8:3-4	44
8:8.....	19
8:14.....	3,31,38
8:28.....	20
12:1.....	3
12:1-2	41
12:2.....	6,41

1 MGA TAGA-CORINTO

1:2.....	17
2:16.....	3
3:1-4	4
6:19-20	18
10:32.....	34
15:22.....	44
15:35-54	17

2 MGA TAGA-CORINTO

4:7.....	18
5:21.....	14
6:14.....	7,30
10:5.....	9
12:6-10	23

MGA TAGA-GALACIA

3:13.....	15
-----------	----

MGA TAGA-EFESO

1:1.....	2
2:8-9	16,24
2:14.....	34
4:22.....	44
4:30.....	33
5:17.....	2
5:17-18	34,41
5:18.....	5,19,40
5:20.....	20
5:26.....	17

MGA TAGA-FILIPOS

3:21.....	17
4:6.....	20

MGA TAGA-COLOSAS

2:10.....	17
4:2.....	20

1 MGA TAGA-TESALONICA

2:18.....	25
4:3.....	16,18
4:3-4	18
5:18.....	20
5:19.....	33

2 TIMOTEO

1 PEDRO

2:20-2218

MGA HEBREOHANON

2:3.....36

4:16.....30

5:8-923

10:7.....40

10:9.....40

10:10.....17

12:6.....27

SANTIAGO

4:6.....20,41,44

1:7.....22

2:15.....24

2:24.....37

3:17.....22

4:19.....22

2 PEDRO

3:9.....13,35,40

3:18.....8,41

1 JUAN

1:9.....4,5,17,38,41

2:2.....15

2:17.....13

3:2.....17

3:23.....12,35,40

**SUKARANAN NGA MGA LIBRO NI R. B. THIEME, JR.
GIREKOMENDAR NGA HAN-AY**

The Plan of God
The Trinity
Slave Market of Sin
The Barrier
Rebound & Keep Moving
Isolation of Sin
The Faith-Rest Life
God the Holy Spirit vs. The Sin Nature
Mental Attitude Dynamics
Heathenism
Divine Guidance
Prayer
Witnessing
The Prodigal Son

DOKTRINAL NGA MGA PAGTOON SA BIBLIYA


Doktrina sa Bibliya, ang unud sa pagtudlo nga gikuha gikan sa literal nga interpretasyon sa mga Kasulatan, maoy sukdanan sa espirituhanong kamatuuran. Ang pagtoon sa Bibliya naghatag og espirituhanong pampabaskog sa Kristohanon (Mateo 4:4).

Ang pagkamahinungdanon sa doktrina sa Bibliya pagahatagan gayud og importansiya (Mga Salmo 138:2). Ang Dios nagsugo sa Kristohanon aron sa pag-usab espirituhanon (Mga Taga-Roma 12:2). Kini nga pagkausab nanginahanglan og kada adlaw nga pagbag-o sa hunahuna pinaagi sa pagkat-on ug paggamit sa Pulong sa Dios (2 Mga Taga-Corinto 4:16; Mga Taga-Efeso 4:23).

Sa daghan nang katuigan ang doktrinal nga mga klase sa Bibliya nga gitudlo ni R.B. Thieme, Jr., nakahatag sa adlaw-adlaw nga espirituhanong pagkaon para sa iyang kongregasyon. Mga mantalaan, DVDs, ug MP3 CDs anaa nga walay bayad o obligasyon. Usa ka Catalogo sa Doktrinal nga mga Pagtoon sa Bibliya ipanghatag base sa inyong hangyo.

R.B. THIEME, JR., BIBLE MINISTRIES
P.O. BOX 460829
HOUSTON, TEXAS 77056-8829
www.rbthieme.org
713-621-3740

Si ROBERT B. THIEME, JR., (1918-2009), nagpabiling makahuluganong tingog sa Kristiyanismo sa tibuuk kalibutan. Ang iyang makugihon, mapatin-awong pagtudlo gibase sa orihinal nga mga lengguwahe sa Kasulatan inubanan sa paglandag sa makasaysayong konteksto sa panahon nga gisulat ang Bibliya. Ang iyang modernong sistema sa bokabularyo, mga ilustrasyon, ug mga kategoriya Biblikal sa tin-aw nagpahayag sa dimasayup nga mga kamatuuran sa Pulong sa Dios. Si Thieme nakarekord og labaw sa napulog-usa ka libro ka mga oras nga mga pagtudlo ug nakamantala og labaw sa usa ka gatos ka mga libro nga naglukup og dako sa bersikulo-matag-bersikulo sa Bibliya.



Hulagway ni Robert Becker

Si Thieme nakatapos didto sa University of Arizona (Phi Beta Kappa) ug Dallas Theological Seminary (summa cum laude). Ang iyang pagtungha sa seminaryo nahunong tungud sa pagpangalagad militar sa Ikaduhang Gubat sa Kalibutan diin misaka siya sa ranggo nga tenyente koronel sa Kwerpo sa Kasundalohan sa Kahanginan sa Estados Unidos. Human natapos sa iyang padayon nga pagtungha niadtong 1950, siya nahimong pastor-magtutudlo sa Simbahan sa Berachah sa Houston, Texas. Ang iyang malukpanong pagbansay sa Griyego, Hebreo, teyolohiya, kasaysayan, ug textual criticism naghatag og pundasyon sa iyang masuknaong propesyonal nga kinabuhi sa pagtoon ug pagtudlo sa Pulong sa Dios. Si Thieme miluwat sa pagkapastor-magtutudlo sa Simbahan sa Berachah human sa singkwentay tres ka mga tuig nga matinud-anong pagpangalagad.

Divine nga Paggiya mao ang doktrina sa pagdeterminar sa kabubut-on sa Dios para sa imong kinabuhi. Ang Dios naggiya kanimo sa pagpahibalo sa Iyang kabubut-on pinaagi sa divine nga pinadayag. Walay magtotoo ang makahibalo o makahimo sa kabubut-on sa Dios gawas sa paghibalo sa Pulong sa Dios.

Ang Bibliya nagpadayag sa daghang mga mando nga malukpanong nagbutyag unsa mao ang kabubut-on sa Dios ug dili mao para sa matag magtotoo. Ang ubang mga katuyoan nga aduna ang Dios para sa imong indibiduwal nga kinabuhi nga wala gidirektang gisaysay diha sa Kasulatan kinahanglan nga pagahukman gikan sa doktrina sa Bibliya diha sa imong kalag. Gikan sa paggamit sa doktrina sa Bibliya ikaw makadesidir unsa ang gusto sa Dios nga imong hunahunaon, unsa ang Iyang gusto kanimo nga pagabuhaton, ug asa ang Iyang gusto kanimo nga moadto.

Isip personal nga pinadala ni Ginoong Jesu-Kristo, ikaw nagrepresentar Kaniya sa pagkaepektibo human sa kaluwasan pinaagi lamang sa pagsunud sa kabubut-on sa Dios para sa imong kinabuhi. Pagtoon sa mga mando, mga kategoriya, ug panglihok sa divine nga paggiya naghatag kanimo sa mga sukaranan para sa paghimo sa Iyang kabubut-on. Samtang ikaw nagpadayon sa pagtubo ngadto sa espirituhanong pagkahamtong, ikaw mahimong malaumon nga ikaw nakahibalo sa kabubut-on sa Dios para sa imong kinabuhi sa bisan unsang takna ug ubus sa matag kalabutan.